

儀禮經傳內編

儀禮經傳內編卷三

出妻禮

此及下諸侯出夫人禮並見小戴雜記今按當升為經下放此。以下諸禮皆非六禮比也然繩以昏義

其或悖乎義者則出之而自家人以至世子等禮則固皆禮是義者也夫原莫雁之儀同牢之制禮固可知矣孟子曰娶妻非為養也而有時乎為養又曰不孝有三無後為大斯其為義又何如者哉故子舍則有鵲鳴之朝內寢則有祿衣之侍妻室則言動有宜孺官則保傳有式而凡孤幃恤宅之拂與嗣服寢門之節皆是義終之也今附此於後而婚義斯備矣學者詳之

妻出夫使人致之曰某不敏不能從而供粢盛使某也敢告於侍

者主人對曰某之子不肖不敢辟誅敢不敬須以俟命

盛音成辟避同此

主人謂女父兄也注曰肖似也不肖言不如人也誅猶罰也

使者退主人拜送之

致命不言如拜蓋省文如

男在則稱舅舅沒則稱兄無兄則稱夫

注曰父兄在則稱之者命當由尊者出也唯國君不

稱兄疏曰凡遺妻必稱尊者之命不稱母者婦人之名不外接於人也愚按女家對使亦如之主人之辭曰某之子不肖如姑姊妹亦皆稱之注曰姑姊妹見棄亦曰某之姑某之姊若妹不肖也愚按某之子不肖已

見上文又言之者承上以起姑姊妹亦皆稱之之意也

諸侯出夫人禮見上

夫人比至於其國以夫人之禮行至以夫人入比必更反。注曰行道猶以夫人之

禮者致命其家乃義絕也疏曰出夫人謂夫人有罪諸侯出之令歸本國也使者將命曰寡君不敏不能從而事社稷宗廟使使臣某敢告於執事主人對曰寡君固前

辭不教矣寡君敢不敬須以俟命此主人君所使為主人也。注曰前辭不教謂納采時也此辭

賓在門外擯者傳之賓人致命如初主人卒辭曰敢不聽命不言省文也疏曰將命稱不敏以下者謙退不欲指斥夫人之罪故引過自歸也有司官陳器皿主人有司亦官受之器皿本其所賁物也律器也棄妻畧所齎。疏曰使

者使所從有司之官陳夫人嫁時所資器皿之屬以還主國而主國亦使有司官領受之也並云官者明付受悉如法也

義家語孔子曰女有七出三不去七出者不順父母謂其逆

也無子謂其絕世也婦僻謂其亂族也嫉妬謂其亂家也惡疾

謂其不可供桑盛也多口實謂其離親也竊盜謂其反義也三

不去者謂其有所取無所歸也與共更三年之喪也先貧賤後

富貴也更上行反凡此聖人所以順男女之際重婚姻之始也此遵言女

子去留之義也

考家語曾參後母遇之無恩而供養不衰句序在首最可味及其妻以

藜蒸不熟因出之人曰非七出也參曰藜蒸小物耳吾欲使熟

而不用吾命況大事也遂出終身不取妻也物事其子元請蒸參

告其子曰高宗以後妻殺孝已尹吉甫以後妻放伯奇吾上不

及高宗中不比吉甫庸知其得免于非乎

此章前後意似不盡細體味之則大賢之

孝見于言外而其處妻子亦有道矣夫曾子後母雖遇之無怨
而孝子始終不忍斥言此其所以為大孝耳出妻言其小不言
其大亦其厚也其不娶者慮後妻之他日也大賢如曾子
豈以高宗伯奇為嫌者哉然其慎以弭釁者亦可見也

發室禮

按婦自少壯以來不得偕老皆號曰發婦其居室一
循婦道守從一之義固無他禮也然禮有之士為知

已用女為悅已容被伯兮之詩夫行役在外猶曰豈無膏沐
誰適為容況失其所天者乎至如舅沒則姑老雖衰老猶以
禮自克少壯可知此皆禮也但文不備耳今採
古守志終天大節較然者數條姑備考于左云

考詩傳衛世子共伯蚤死其妻共姜賢而守義父母欲奪而嫁

之共姜誓弗許作詩以絕之

其伯偕侯之世子也

其詩曰汎彼柏舟在彼

中河旣彼兩髦實維我儀之死矢靡它母也天只不諒人只

柏舟

堅貞以自況也。兩髦，子事父母之儀。謂其伯也。儀匹也。言已無他志而母不見諒也。又曰：汎彼柏舟，在彼

河側。髡彼兩髦。實維我特之。死矢靡慝。母也。天只不諒。人只。特亦

匹也。愿和也。

列女傳：魯寡陶嬰者，魯門之女也。少寡，養幼孤，無強昆弟，紡績

爲產。魯人或聞其義，將求焉。嬰聞之，恐不得免，作歌。明已之不

更二也。魯門未詳，或曰其居近城門也。其歌曰：悲夫黃鵠之早寡兮，七年不雙。

宛頸獨宿兮，不與衆同。夜半悲鳴兮，想其故雄。天命早寡兮，獨

宿何傷。寡婦念此兮，泣下數行。嗚呼哀哉兮，死者不可忘。飛鵲

尙然兮，況于貞良。雖有賢雄兮，終不重行。死曲貌，行，魯人謂之猶適也。

曰：斯女不可得已，還不敢復求。此婦也。前後示梁寡高行者，梁女者，原其始也。

之寡婦也。榮色而美于行。早寡不嫁。梁貴人爭娶之。不能得。

號也。見後文。

榮猶美也。梁王聞之。使相聘焉。高行曰。妾聞婦人之義。壹往

而不改。以全貞信之節。今忘死趨生。是不信也。貧賤忘賤。是不

貞也。棄義而從利。無以爲人。乃援鏡持刀。以割其鼻。曰。妾已刑

矣。所以不死者。不忍幼弱之重孤也。

相去聲。父母連喪是重孤也。

于是相以

報王。大其義行。乃復其身。號之曰高行。

復者。復其身也。

陳寡婦者。

陳之少寡婦也。年十六而嫁。未有子。其夫當行戍。夫且行時。屬

孝婦曰。我生死未可知。幸有老母。無他兄弟。儻吾不遭。汝肯養

吾母乎。婦應曰。諾。

且行猶言將行也。

夫果死。不遭。婦養姑。不喪慈愛。愈

固。紡績以爲家居。喪三年。其父母哀其無子。而早寡也。將嫁之。

孝婦曰妾聞之信者人之幹也義者行之節也妾幸得離襁褓受嚴命而事夫夫且行時屬妾以老母既許諾之棄托不信背死不義不可也母固欲嫁之孝婦不從欲自殺其父母懼而不敢嫁遂使養其姑也二十八年姑死葬之終奉祭祀離襁褓言長成也淮陽太守以聞漢孝文皇帝高其義使使者賜之黃金四十斤復之終身無所與號曰孝婦

家人禮

易內外各得其正為家人而此其正內外之証也文見禮記內則篇之首今採其文補為經

子事父母雞初鳴咸盥漱櫛縱笄總拂髦冠紒纓端韞紳搢笏去聲縱音徒摺音進。盥洗手漱滌口也櫛梳也縱以黑縞紒髮作髻也笄及纓紒詳見士冠總亦縞為之束髮本而垂餘於髻後為飾也髦用髮為之象幼時剪髮為髻形也搢振塵也數者櫛為先櫛訖加縱又加笄加總然後加髦者冠結纓垂紒此其大也

端玄端服也衣用縹布裳則上士玄中士黃下士玄黃雜也韋爲之韠之言蔽古者席地而坐以臨俎豆故設蔽膝備屬禮在見服謂之韠他服則謂之韠也紳垂帶也指插也數者服玄端者紳又加大帶而挿笏于帶中亦以次也項氏曰髦者以髮爲髦垂兩肩之上如今小兒用左右佩用左佩紛說刀礪小觶金燧右佩遠雙髻橫繫額上是也

玦捍管通大觶木燧說音稅觶音今玦音決捍音輪通音逆。佩用謂佩以備用也左佩六紛說皆巾各紛以

扶器說以拭手也刀小刀礪礪石也觶以解結狀如錐象骨爲之小觶以解小結也金燧以取火于日也右佩亦六玦射者著于左手大指以鉤弦而斡弓體也捍亦名拾韜左臂而收袖以利弦管筆通弓室也大觶以解大結木燧以鑽火于木也左所佩多陰柔之意右所佩多陽剛之意蓋義取偁屨著燕著音酌燕音忌。偁卽詩所謂邪幅

相制亦如微角宮羽分配之類與

偁屨著燕偁卽詩所謂邪幅也自足至膝偁束其脛故名偁也燕屨頭飾也周禮所謂拘也者猶施也。朱子曰燕屨帶也古人皆旋繫今人則從簡易綴之于

上如假婦事舅姑如事父母雞初鳴咸盥漱櫛縱笄總衣紳衣紳謂玄

帶然

端納衣上加以紳

帶士妻之服也

左佩紛說刀礪小觶金燧右佩箴管線橫施

表大鵬不燧

箴針同聲音盤表音秩。箴管箴在管中也。線

綰

綰纓未詳。注曰婦人有纓示有繫屬也。陳氏曰綰結也。纓

香囊也。愚按曲禮女子許嫁纓示繫屬于人也。而此下文男

女未冠笄者亦綰纓則其非女子許嫁之纓亦明矣。且此男女未

冠笄者綰纓之外別云皆佩容臭則其非香囊亦甚明。而訓綰爲

結考之爾雅字書之屬又無其釋也。然則義將安在乎。玩子事父

母冠服佩綰屬之序以上下相次而此綰纓與綰相當蓋是施于

下體之服名但無可考核耳。或曰爾雅綰謂之襦佩綰謂之襦注

云綰者衣之小帶。襦佩帶之下屬也。綰蓋帶之屬其垂下者爲襦

婦飾異于男故男偪而履女綰纓而履而幼飾初無以適父母舅

有異故男女皆以綰纓與其說頗通姑存以考之。

姑之所。總承上子事父母及所下氣怡色問衣煖寒疾病疢癢而

婦事舅姑而言也。

敬抑搔之出入則或先或後而敬扶持之。

疾疥也。抑按搔摩也。進盥少者奉

槃長者奉水請沃盥盥卒授巾問所欲而敬進之柔色以溫之。

聲奉上聲槃盤同長上聲溫音溫。奉水者水在盥奉以實于槃

也溫猶禮體溫之至也之溫謂以柔順之色承尊者之意若柔順

之承玉然也醴酒醅毛羹菽麥黃稻黍梁秫唯所欲聚果鉅以甘

之重苴份榆免蕪修澼以滑之脂膏以膏之父母舅姑必嘗之而

後退醴音稜苳音帽黃音炙秫音尤鉅音伯苴音臚直音先免音

也苳羹以菜雜肉為羹也黃大麻子也秫黏稷也此以上言飲食

之品也米造曰餠蜜釀曰蜜苴菜名苴似苴而菜大粉似榆而

右子婦禮

男女未冠笄者雞初鳴咸盥漱櫛緹拂髦總角衿纓皆佩容臭昧

爽而朝問何食飲矣若已食則退若未食則佐長者視具冠去聲

。總角謂總其髮而結以為角後文男角女齔是也容臭香物可

助為容飾者昧明也謂欲明未明時也。注曰佩容臭為道

尊者朱子曰恐有穢氣觸尊者故也

凡內外雞初鳴咸盥漱衣服

陳氏曰不佩用者示未能卽事也

斂枕簟酒掃室堂及庭布席各從其事

古人枕席之具夜則設之曉則斂之不以私喪示人

也方氏曰斂枕簟者以晝夜異用故也各從其事若男服事乎外女服事乎內之類

孺子蚤寢晏起唯所欲

食無時

孫子獨爾者字之亦以體親志也

右男女內外及孺子禮

由命士以上父子皆異宮昧爽而朝慈以旨甘日出而退各從其

事曰入而夕慈以旨甘

異宮以崇敬也程子曰愈貴則愈嚴也方氏曰辨則敬同則衰故坐不同席居必異

宮也慈猶愛也謂以甘旨致愛也晚朝為夕

右命士以上禮

父母舅姑將坐奉席請何鄉將衽長者奉席請何趾少者執牀與

坐御者舉几斂席與簟縣衾篋枕斂簟而獨之

奉士聲下同鄉向同長上聲少去聲

縣懸同獨音獨。坐席曰坐臥席曰狂皆稱席者異席同名也。然謂以安坐也。御侍也。設坐席則問而何向設臥席則問足何指臥而起則或執牀以與之坐或舉几以爲之憑其臥之止簞下席則飲之羹則束而懸之枕則餽而貯之而飲簞則又獨而給之坐寢唯時少長有父母舅姑之衣衾簞席枕几不傳杖屨祇敬之勿敢禮無不敬也。

近敦卑卮匱非餽莫敢用與恒食飲非餽莫之敢飲食

敦音堆卑整同。傳

移也謂有常處不移置也近偏也敦卑皆盛黍稷之器卮酒器匱盛酒漿之器與猶及也恒常也無敢輕用其器及無敢輕飲食其物皆父母在朝夕恒食子婦佐餽既食恒餽父沒母存家子御食敬也。

羣子婦佐餽如初旨甘柔滑孺子餽

佐餽者當餽而勸之食也恒餽者已食而食其餘也如初

如父在時也父沒羣子婦佐餽如初而家子但侍者家子帥羣子之禮也

在父母舅姑之所有命之應

唯敬對進退周旋慎齊升降出入揖避不敢噉噫噉咳欠伸跛倚

睥視不敢唾洩寒不敢襲癢不敢搔不有敬事不敢袒裼不涉不

擗衣衾不見裏

唯上聲齊齋同噉淵入聲噫音隘噉音帝咳音

音現。唯應之速也。

慨跋音秘睇音涕唾拖去聲洩音替擗音貴見

以堂階音出入以門戶言揖謂進而前其身畧俯如揖也。進揚也。

謂退而後其身微仰而揚也。說見玉藻噉逆聲也。噫歎聲。莊子

所謂噫氣也。噉欬聲。詩願言則噉是也。咳嗽聲也。此四者聲不敬

也。氣乏則欠。體疲則伸。偏任為跛。依物為倚。傾視曰睇。此五者容

不敬也。口出曰唾。鼻出曰洩。此二者聲與容皆不敬也。衣寒而襲

體瘁而搔。非敬事而袒裼。非涉水而揭。父母唾洩不見冠帶垢和

裳襲衣衾而見裏。此五者皆事不敬也。

父母唾洩不見冠帶垢和

灰請漱。衣裳垢和灰請澣。衣裳綻裂紃箴請補綴。五日則燂湯請

浴。三日具沐。其間面垢燂潘請澣。足垢燂湯請洗。

見音現。漱平聲澣音緩。紃平聲

聲。綴音拙。燂徐鹽反。潘音翻。讀音悔。不見謂刷除之。不使見也。

輕曰歛。重曰幹。皆洗也。和灰如令人用灰湯也。以線貫箴為紃。燂

溫也。其間謂五日三日之間無常時也。潘新米

汁也。澣洗面也。上節以敬言。此節以愛言也。

右申子婦禮

昏附

卷三

五

少事長賤事貴共帥時帥猶也時是也子事親如是而事長事貴循之也

右申男女內外及孺子禮

記內則男不言內女不言外男正位乎外故不言內女正位乎內故不言外

井不共湑浴不通寢席不通乞假男女不通衣裳湑潔也。浴。室也。內外

以地言男女以人言方氏曰言內外則男女在其中矣內言不而于衣裳特言男女者以男女異制尤不可通故也

出外言不入男子入內不嘯不指夜行以燭無燭則止女子出

門必擁蔽其面夜行以燭無燭則止不言內不言外嫌于分也言不出言不入嫌通私也

不嘯不指意亦如之凡事當以言處分或有隱私但嘯指諷之而已故入內殿之也擁猶障也道路男子由右

女子由左由右由左見王制亦別嫌之意也

右慎內外男女

子婦孝者敬者父母舅姑之命勿逆勿怠

此首通言之也勿逆以心言勿怠以事言

若飲食之雖不耆必嘗而待加之衣服雖不欲必服而待耆嗜同。

此即服食與事指言之也嘗而待服而待皆俟尊者察其不耆不欲而改命之乃躬履之也加之事人代之

已雖勿欲姑與之而姑使之而後復尊者任之以事而已既為之矣或念其勞又使人代

為已雖不欲其代然必順而姑與之而姑教使之及其果不能而後已復為之也凡婦不命適私室不

敢退此即進退指言之也婦將有事大小必請命于舅姑此又即有事約言之也

右稟父母舅姑

舅姑使冢婦毋怠不友無禮于介婦使以事使之也毋禁止辭友作有古友有通用石渠

王氏謂友當作敢劉氏訓友為愛味文義並非言舅姑以事命冢婦則冢婦當即自任其勞而毋怠不得怨介婦不助已而有

無禮于介婦也舅姑若使介婦毋敢敵耦于冢婦劉氏曰敵耦者敵求分任之意也言舅姑

若以事使介婦則介又當自任其勞不
可謂與冢婦為敵耦而欲與均勞也
敢並坐又言介婦與冢婦非唯任事毋敢敵耦而已方且行則
馬行命則請命坐則降坐而一切不敢並也餘謂婦子
與舅沒則姑老冢婦所祭祀賓客每事必請于姑介婦請于冢
婦長婦曰冢婦眾婦曰介婦老猶吾將老焉之老謂傳家事于
婦長婦也然長婦猶不敢專故祀賓必稟命焉以帥眾婦也

右協娣姒

父母有娣子若庶子庶孫甚愛之雖父母沒沒身敬之不衰
賤者所生也若及也或也沒身終身也父
母所愛亦愛之至于大馬盡然況于人乎
子有二妾父母愛一
人焉子愛一人焉由衣服飲食由執事毋敢視父母所愛雖父
母沒不衰由舊謂自也不敢以私愛違親故也
子甚宜其妻父母不說出子不宜
其妻父母曰是善事我子行夫婦之禮焉沒身不衰說悅同宜猶善也

大戴禮婦有七出不順父母一無子二淫三妬四惡疾五多言六竊盜七三不去有所受無所歸不去曾經三年喪不去前貧賤後富貴不去

右體支庶妻妾

子婦無私財無私畜無私器不敢私假不敢私與

畜許六反。財財貨也畜

畜物也器器用也

婦或賜之飲食衣服布帛佩悅茝蘭則受而獻諸舅

姑舅姑受之則喜如新受賜若反賜之則辭不得命如更受賜

藏以待乏

茝芷同。上通言子與婦而以下專即婦申之也或賜之即下文私親兄弟之屬也茝蘭皆香草如新受

賜者親受猶已受也如更受賜者人賜又親賜也待乏待尊者之乏也

婦若有私親兄弟將與之

則必復請其故賜而後與之

復扶又反。賜猶許也謂以與之之故復請于舅姑必請之而許然

後取以與之也

右謹財物與受

父母有過下氣怡色柔聲以諫諫若不入起敬起孝說則復諫
不說與其得罪于鄉黨州閭寧熟諫父母怒不說而撻之流血
不敢疾怨起敬起孝說悅通復扶又反。疏曰熟諫。謂懇懇而諫若物之成熟然。父母雖沒
將為善思貽父母令名必果將為不善思貽父母羞辱必不果
上言成其親此言成其身以成其親也。

右體父母善敗

子婦有勤勞之事雖甚愛之姑縱之而寧數休之數音朔。謂雖甚愛此子
婦然姑且縱使為之而寧數數休息子婦未孝未敬勿庸疾怨姑
息以使終之不至以姑息為愛也教之若不可教而後怒之不可怒子放婦出而不表禮焉廣用也

禮貴也不可怒實之不改也如是雖放逐其子出禁其婦不為過矣然不明禮以著其罪者示不終絕也

右酌子婦愛惡

后夫人進御禮

見尚書大傳今採補為經

后夫人將侍君前息燭後舉燭至于房中釋朝服襲燕服然後入

御于君

按周禮及昏義后立六宮三夫人九嬪二十七世婦八十

也朝服展衣燕服祿衣也

雞初鳴太師奏雞鳴于陛下然後夫人鳴佩玉于房

中告去也然後應門擊柝告辟也然後少師奏贊明于陛下夫人

入廷立君出朝

應門朝門也辟啟也贊正也入廷立者為君出將朝也

記周禮內宰掌以陰禮教六宮以陰禮教九嬪

注曰鄭司農云陰禮婦人進御

之禮六宮後五前一玄按六宮謂后也后象王立六宮正寢燕寢五教者不敢斥言后故謂之六宮若今稱皇后為中宮矣

教不言夫人世婦亦省文九嬪掌各帥其屬而以時御敘于王所時而進御

也八十一御妻當九夕二十七世婦當三夕九嬪當一夕三夫人當一夕后當一夕凡十五日而偏內則夫婦之

禮惟及七十同藏無間故妾雖老年未滿五十必與五日之御

惟老則不敘御明未老必以時御也諸侯之制姪婦六人當三夕二媵當一夕夫人當一夕凡五日而偏將御者齊

漱澣慎衣服櫛縱笄總拂髦衿纓褕履齊肅同。齊謹于素也

並見前妻不在妾御莫敢當夕不在謂有故或歸寧之屬選女君之御日故妾御莫敢當也

考列女傳周宣姜后賢而有德非禮不動宣謂宣王也此首言姜后素行之正也

宣王嘗晏起姜后乃脫簪珥待罪于永巷使其傅母通言于王

曰妾不才妾之淫心見矣至使君王失禮而晏朝以見君王之

樂色而忘德也夫苟樂色必窮樂窮樂者亂之所興也原亂之

興從婢子起敢請婢子之罪

永巷宮中巷名此正言姜后諫王之切也

王曰寡人不

德過從寡人起也遂復姜后而勤于政事早朝晏退繼文武之

迹卒成中興之名為周世宗

復者明其無罪也此終言宣王從諫之賢也

春秋傳晉

平公有疾叔向問于子產子產曰僑聞之君子有四時朝以聽

政晝以訪問夕以修令夜以安身于是乎節宣其氣勿使有所

壅閉湫底以露其體茲心不爽而昏亂百度

勿使至百度為句注曰食號令也

宣散也湫集底滯也露藏也冥明也疏曰凡神久用則竭形大

勞則敝神不用則銳形不用則瘵此朝夕晝夜勞逸更遞所以

節宣其氣也瘵謂障而不使行若壅水也閉謂塞而不得出若

閉其氣也瘵謂氣聚底謂氣止若氣有壅閉集滯則血氣不得宣

可使如此乎蓋形以神為主神以形為宅形強則神強形弱則

神弱此明其相為盛衰之理

今無乃壹之則生疾矣

壹之謂壅閉湫底也

四時失其節宣也。叔向曰善哉聆未之聞也。聆叔向各督侯求醫于秦伯使

醫和視之曰疾不可為也是謂近女室疾如蠱非鬼非食惑以

喪志。和醫名蠱惑疾也鬼謂祟也食謂積也。疏曰蠱者公曰心志惑亂之疾公惑于女色失其常性故疾如之也。

女不可近乎對曰節之。色之節度母縱而氣之節度乃調矣。先王之樂所以節百

事也故有五節遲速本末以相及中聲以降五降之後不容彈

矣于是有煩手淫聲惛惛心耳乃忘乎和君子弗聽也。注曰

五節者五聲之節降罷退也謂先王之樂自中聲以降至五降而息不則雜聲並奏乃所謂鄭衛之音也疏曰劉炫云注云五

降而息者謂前聲罷退以待後聲非謂作樂息也五聲皆降而聲乃一成若曲未成後聲當更從上以接之使信手妄彈無復

正聲是為煩物亦如之至于煩乃舍也已無以生疾。注曰言百

手淫聲矣。不可失節也煩君子之近琴瑟以儀節也非以惛心也。儀之言

宜猶合

也。天有六氣降生五味發為五色徵為五聲淫生六疾。注曰六氣即下

陰陽風雨晦明也五味謂金味辛木味酸水味鹹火味苦土味甘五色謂辛色白酸色青鹹色黑苦色赤甘色黃五聲謂白聲

商青聲角黑聲羽赤聲徵黃聲宮也發見徵驗淫過也滋味聲色皆以養人過則生害也六氣曰陰陽風雨

晦明也分為四時序為五節過則為苗陰淫寒疾陽淫熱疾風

淫末疾雨淫腹疾晦淫惑疾明淫心疾。此申上六氣以淫生疾以起下晦時淫惑之意

也。注曰末謂四支也疏曰分為四時者六氣有溫暑涼寒濕為春暑為夏涼為秋寒為冬分而為四時也序為五節者一年

有三百五十四日木火金水每行主七十二日土行分主四時之季各十八日序而為五節也過猶淫也人身心腹為本四支

為末陰陽風雨無定時晦明有常度均言淫者謂人受此氣有過度也蓋陰陽風雨雖足為病能自防則病無晦明者以病人

用之過則致病夜以安身近女過度則心惑亂晝以營務用心過度則心勞散皆無節為之苗也安陽物而晦

時淫則生內熱惑亂之疾今君不節不時能無及此乎。婦道

言陽物家道常在夜故言晦時趙孟曰何謂蠱對曰淫溺惑亂之所生也于文

血蠱為蠱殺之飛亦為蠱在周易女惑男風落山謂之蠱三三

皆同物也血命累反。血器也。器受蟲害則為蠱。殺久積變為

男為山男見惑于女山被落于風皆陰害陽之類故曰同物物謂類也事在昭公元年

胎教禮文雜見列女傳月令青史氏今葉參以補其闕前二

之蓋胎教之禮通乎上下矣覽者所宜盡心也

凡姪子寢不側坐不邊立不踣此言居止也不食邪味割不正不食席

不正不坐此言食息也目不視邪色耳不聽淫聲此言視聽也以仲春

之月先雷三日有司奮木鐸以令兆民曰雷將發聲有不戒其容

止者生子不備必有凶災先去聲。是月日夜分雷乃發聲先雷三日蓋春分節之前三日也容止猶言

動靜聖人必變以敬天也不戒則或男女近狎而喪天無所不至矣此所以孕質虧而親體凶也古人言不斤而意獨切類如此以上見月令

右凡胎教

內外命婦三月就側室夜則令替誦詩道正事

道言也就側室以上見青史氏雜傳

正事以上見列女傳

右內外命婦胎教

王后腹之七月就晏室

注曰晏室亦曰側室自王后以下妊子女史皆以金環為識后七月就晏室夫人以

下三月就側室后至七月乃就之者后正位于內聽天下之內水政故也諸侯夫人如之賈誼新書七月作十月晏室作養室

師持銅御戶左太宰持升御戶右太卜持蓍龜御堂下諸官皆以

其職御于門內

銅謂律也以審音也升謂牝也以升肉于鼎也蓍龜以待卜也

比三月者王后所

求聲音非禮樂則太師撫樂稱不習所求滋味非正味則太宰衛

升不敢煎調曰不敢以待王太子也

比猶及也自七月以後及十月凡三月也待王太子謂所

腹生子將爲儲君也以

上見大戴青史氏之記

諸侯夫人亦如之

見上

右后夫人胎教

考列女傳周太姜者王季之母有呂氏之女也太王娶以爲妃

生太伯仲雍王季自始生至于成童靡有過失君子謂太姜廣

于德教

此但言太姜之教而胎教可知矣

太任者文王之母摯任氏之仲女也

王季娶以爲妃性敦壹誠莊惟德之行及有娠目不視惡色耳

不聽淫聲口不出傲言生文王而明聖太任教以一而識百卒

爲周宗君子謂太任能胎教

宗宗有德也此言大任之胎教也

太姒者武王之

母有華妣氏之女也仁而明道文王迎于渭造舟爲梁及入太
妣思婦太姜太任旦夕勤勞以進婦道文王治外太妣治內生
十男長伯邑考次武王發又次周公旦以下太妣教誨自少及
長常以正道卒成武王周公之德

造舟爲梁謂浮橋也進猶行也此言太妣之教而胎教亦

可知矣

武王后曰邑姜成王之母太公之女也妊成王立不跛坐

不差笑不誼獨處不偃雖怒不詈胎教之謂也

此又言邑姜之胎教也

義傳曰姓子必謹所感心感于物形聲肖之故妊者能謹于此
則生子形容端正才識必過人矣此之謂胎教

大夫士妻生子禮

自此以下至公庶子生各禮並見內則今採補爲經

將生子及月辰居側室

疏曰夫垂簾之室在前燕寢之室在後側室又次燕寢之旁故謂之側室生子不于

夫之正室及其燕寢者以正室燕夫使人日再問之作而自問之

妻不敢見使姆衣服而對至于子生夫復使人日再問之見賢通反下同

姆音茂○作起也與也註曰作有感動也夫齊則不入側室之門不入則使問也

右問妻

子生男子設瓠于門左女子設梔于門右設者表男女也接子大夫少牢

士特豕注曰接讀為捷捷勝也謂食其母使補虛強氣也疏曰接王肅杜預並以爲接待之義鄭讀為捷者以婦人初產因

病虛羸三日之內未能以禮相接今三日而爲之故知補虛氣也愚按少牢特豕之屬明是以禮相接之義若但補虛氣初何事此

且經云接子不云接妻蓋因冢子生而行禮以見正體于上填補相傳所傳重之義故下文云非冢子則皆降一等也而遽強改接

爲捷而爲之詞何法以率耶况經接子不言日而下文特云擇日則或前或後皆或有之而必以爲三日之內接子亦固矣餘詳世

子生禮三曰始負子男射女否負謂抱使嚮前也射以桑弧蓬矢六射天地四方詳見世子生禮

禮

記凡接于擇日

注曰選三日之內尊卑必皆選其吉也

右接于

異為孺子室于官中擇于諸母與可者必求其寬裕慈惠溫良恭

敬慎而寡言者使為子師其次為慈母其次為保母皆居于室

注曰諸母謂衆妾可者謂傳御之屬子師教以善道慈母體其情慈保

母安其居處疏曰此人君養子之禮兼大夫士也愚按備選諸母

雖大夫猶難之況士乎或亦以一人兼攝之也三日之後三月之前即有師保之教蓋古者豫教達于上下矣大夫之子

有食母士之妻自養其子食音嗣○注曰食母亦選于傳御之屬

也它人無事不往注曰不往者恐兒將驚動也

右擇母

三月之末擇日剪髮為鬌男角女髻否則男左女右注曰剪髮為鬌男角女髻否則男左女右

附

三

鬻髮也夾曰曰角午達曰羈疏曰髮鬻不鬻者謂之鬻云因者是

通達曰午文據大夫是月也妻以子見于父貴人則為衣服由命

士以下皆漱澣男女夙興沐浴衣服具視朔食○貴人謂大夫以

上衣服謂命服為之衣服者重之也出自也夫入門升自阼階立

于阼西鄉妻抱子出自房當楹立東面楹音肱○入門者入側室

側室見妾于于內寢辟人君也○疏曰側室在燕寢之旁亦南嚮

故有阼階西階出自房者鄉大夫之室唯有東房妻抱子出東房

當楹立東面與夫相對也見妾于于內寢見下文人姆先相曰母

某敢用時日祇見孺子夫對曰欽有帥父執子之右手咳而名之

妻對曰記有成遂左還授帥相息亮反還旋同○某妻姓也若言

之敬以率之也執右手明將授之名也記猶識也使識其以命名

之義奉以有成也師子師也○疏曰先相者在母前而相佐也妻

對說遂左向旋以子師報告諸婦諸母各妻遂適寢辨通同○注

子授之于師也若名成于尊也適寢復夫之燕也疏曰諸婦夫告宰名宰辨告諸

謂同族與者之妻諸母謂同族尊者之妻男名書曰某年某月某日某生而藏之宰告閭史閭史書為二其

一藏諸閭府其一獻諸州史州史獻諸州伯州伯命藏諸州府注

宰謂屬吏也春秋舊桓六年九月丁卯子同生四閭為族五族為

黨五黨為州疏曰此謂卿大夫以下故以各偏告同族諸男若諸

侯既絕宗則不告諸男也諸男與者尚告則告諸父可知此據卿

大夫以下而引春秋者證于生年月日也藏之謂藏之家府州伯

即州長也州府是州長之府藏

記曲禮凡名子不以國不以日月不以隱疾不以山川大夫士

之子不敢與世子同名注曰不名為後難諱也不敢同名尊世

侯各晉晉侯各周以日月若魯侯各申蔡侯各甲午是也按傳

職以山川則廢主以畜牲則廢祀以器幣則廢禮若晉以饋饌廢司徒宋以武公廢司空魯以先君獻武廢二山之類是也云先生則不改者若衛襄公名惡其大夫有齊惡是先生者不改也

右見子

夫人食如養禮

養年尚反○注曰夫人已見子而入室也其與妻食如饋養舅姑之禮疏曰養禮卽士昏禮婦盥饋

舅姑之屬下文云妾生子及三月之末見子之禮如始入室是也

妾生子禮

說見上

妾將生子及月辰夫使人曰一問之

不再問與親問也

于生三月之末漱

泔風齊見于內寢禮之如始入室君已食徹焉使之特餼遂入御

注曰內寢適妻寢也夫既食而使獨餼卑之也如妾始來時餼夫婦之餘也入御者既見子亦可以御矣凡妾稱夫曰君疏曰凡官室之制前路寢次燕寢次夫人正寢卿大夫以下前適室次燕寢次適妻寢燕寢在外亦名外寢適妻寢在內故名內寢也昏禮夫

婦同牢而食膳餼夫餘御餼婦餘今妾已見子夫其他如娶禮上惟
婦共食訖合生子之妾特餼其餘亦如始來時也
二條為
異也

庶人生子禮

說見上

庶人無側室者及月辰夫出居群室其問之也與子見父之禮無

以異也

注曰夫雖辟之其問妻及見子禮則同也疏曰以無側室故妻在夫寢夫出辟之若有側室則妻在側室也

二者無異則接子擇母皆從殺矣

記凡父在孫見于祖祖亦名之禮如子見父無辭

注曰見于子祖家統于尊

也無辭者周禮有適子無適孫與見庶子同故無辭父卒而有適孫則有辭與見冢子同矣疏曰適子既在其孫猶為嫡孫無所傳重故也若所生適係其父既卒則適孫與長子相似故有告戒之辭若庶孫雖父卒見祖亦無辭也愚按父在即謂祖也自生子者而云則言父在對所生者而言則為祖矣祖名則父不名其云亦者嫌名子宜歸于父故云爾也或疑父有庶孫亦

名之。家子未食而見，必執其右手。適于賤子，已食而見，必循其

首。適于賤子，通謂士大夫以上。適子之弟也。詳適于賤子禮。○

注曰：天子諸侯尊別世子，雖世子同母弟，禮則異矣。未食已

食，急正適賤子之義也。疏曰：此謂天子諸侯未與后夫人禮食

而先見冢子，是急于正也。先與后夫人禮食，然後始與冢子

子，是緩于賤也。以手撫循其頭首，亦示恩愛之情也。通解曰：按

此通承大夫士以上禮，而別其冢適賤子之異禮，非止謂王侯

禮也。冢子禮與前章同。○由命士以上及大夫之子，旬而見。

注曰：唯適于賤子為異耳。旬當為均，聲之誤也。有時適與妾同時生子，子均而見也。疏曰：

均謂均齊也。雖先生者，後見然同是未食之前故。云均而見，通解曰：按此說疑鄭失之。旬如字，謂十日也。別記吳

聞或不待三月也。愚按：註疏殊迂滯不合。今考應氏此乃謂于

見之後，凡進見之期以十日為節也。祇云命士以上及大夫之

子者，庶人不為孺子室，則朝夕見不待旬矣。然則鄭注旬當為

信夫。均之失。

世子生禮
說見上

國君世子生告于君接以太牢宰掌具宰也三日卜士負之吉者

宿齋朝服寢門外詩負之詩之言承也謂以手承下而抱負之也射人以桑弧蓬矢

六射天地四方保受乃負之射天地之射食亦反○桑弧蓬矢本太古也天地四方男子所有事也保

保母也受者宰醴負子賜之束帛注曰醴當為禮禮以一獻之禮而酬之以幣也疏曰一獻用士

禮也卜士之妻大夫之妾使食子注曰食子不使君妾適妾有敵義不相養也士妻大夫之妾謂時自

有子者也愚按妾生子所謂公庶子也公庶子猶有食母焉得世

子生不卜食母而使君之妾食之乎注乃謂適妾有敵義不相養也亦支矣妾焉得與適敵但君自不得使妾食世子耳大夫之妾

士之妻當是生子不收或子已將期者乃使食之不然抑臣之于以食其子聖

記凡接子擇日庶人特豚士特豕大夫少牢國君世子太牢其

非冢子則皆降一等注曰三日之內尊卑必皆擇日也疏曰庶人猶特豚者禮窮而與士同也通解曰言

三日又言擇日蓋誌異禮也愚按疏有三日接子之文而此又云凡接子擇日其說不符通解以異禮目之則此以下當為記也或曰負子以三日接子則擇之或前或後可矣其說近有理玩經接以太牢之下乃言三日卜士負子則接子不粘三日也餘詳大夫士禮

三月之末君沐浴朝服夫人亦如之皆立于阼階西鄉世婦抱子

升自西階君名之乃降注曰升自西階明見世子于路寢與見適

侯夫人朝于君次而祿衣疏曰鄉大夫妻將生子居側室此云世婦抱子升自西階是夫人將生子亦就側室也按內司服註云展衣后夫人以禮見王及賓客之服祿衣后夫人御于王之服諸侯夫人在路寢合服展衣而云祿衣者蓋見下訖當進御矣故與凡以禮見君者異也云次者夫人之首飾其他如大夫士之禮凡所次第變為之故名少牢禮髮鬋是也者皆如之也○通解曰人君見世子其名子入食之禮各與大夫士同記文不具也

適子庶子生禮

適于庶子見于外寢撫其首咳而名之禮帥初無辭適丁歷反此謂適子第

二以下也○注曰適子謂世子之弟庶子則妾子也外寢謂君燕

寢也無辭謂無飲有帥記有成等詞也疏曰世子之弟見于外寢

庶子則側室但撫首咳名無辭與世子之弟同故與適于連文也

燕寢當在內而云外寢者對側室而為外耳禮率初謂禮與前文

見世子同通解曰按下文方說公庶子其他如世子生之禮詳見

此是適子之次者名為適于庶子也

公庶子生禮說見上

公庶子生就側室明不見于外三月之末其母沐浴朝服見于君

攝者以其子見君所有賜君名之眾子則使有司名之攝者得母

尊雖妾不自抱子也眾子謂無特賜者有司餘如大夫妾之禮

謂臣有事者魯桓公名其子問于申繻是也

記食子者三年而出見于公宮則飭食音嗣飭勞也此總謂

君之子者比三年出

歸則君皆勞問之也

昏州

君薨世子生禮

見禮記曾子問篇今按當升為經

君薨世子生卿大夫士從攝主北面于西階南大祝裨冕執東幣升自西階盡等不升堂命母哭祝聲三句告曰某之子生敢告升奠幣于殯東几上哭降衆主人卿大夫士房中皆哭不踊盡一哀反位遂朝奠小宰升舉幣大音泰下同裨音皮○攝主謂上卿攝國事者王六服裨冕爲上祿衣冕以下諸侯卿大夫通得以其差服之總謂之裨冕茲服裨冕者重世子從吉禮也等謂階等祝聲三所謂噫歆之聲以歆神聽而告之也某夫人氏也房中謂婦人也反位謂反朝夕之哭位升舉幣者舉而埋之西階間也三日衆主人卿大夫士如初位北面大宰大宗大祝皆裨冕少師奉予以衰祝先子從宰宗人從入門哭者止子升自西階殯前北面祝立于殯東南隅祝三曰某之子某從執事敢見子拜稽顙哭祝宰宗人衆主人卿

大夫士哭踊三者三降東反位皆袒于踊房中亦踊三者三變衰

杖奠出大宰命祝史以名徧告于五祀山川

少去聲奉上升從去聲見現同○如初位

者如告子生西階北面之位也奉子以衰者以衰服承而奉之也子某之某子之名也子拜哭且踊奉之者代之也凡踊三度爲一節如此者三凡九踊而三節各哭踊畢降而反位然後子與房中並踊衰服朝奠以成其爲子之禮而乃出也

右君始薨世子生

君已葬世子生大宰大宗從大祝告子禰三月乃名于禰以名徧

告及社稷宗廟山川

告于禰告于殯宮也三月名正也前三日名之者禮未盡則稱子而名故速也若已葬則

徧常禮矣徧告謂告于同盟諸侯也○按國不可以一日無君故君薨卽正喪主之位不可以一年有二君亦不可以曠年無君故未踰年稱子而踰年乃正嗣君之位今其禮猶若虛位然而稱主以待之何耶蓋亦奉先君之命以后有繼而懸以相率所謂植遺腹朝委裘者歟若無遺命而苟而居攝適階之亂耳國立長君此天下之通義也故明于曾子問而可以建禮之綱通于曾子問而

可以守
禮之正

右君已葬世子生

立儲禮

禮闕姑採記賈誼新書如左然禮多可疑附論于後并詳之

記賈誼新書世子生而泣太師吹銅曰聲中某律太宰曰感味

上某太卜曰命云某然後為王世子

世俗本作太○上猶并也律中某謂始生時也味上

某謂接于時也命云某謂命名時也此總序以起立世子之意也

將立世子帝朝服升自阼階

上西鄉妃抱世子自房出東鄉太史奉書上堂當兩階之間北

面立曰世子名某者三帝執禮稱辭命世子曰授祖宗社稷于

子者三妃稱不敢者再于三命對曰謹受命拜而退

妃謂后妃也三稱世

子名者立為世子而指名之也此正言立世子也

太史以告太祝太祝以告宗廟社稷

太史出以告太宰太子以告州伯州伯命藏之州府

此言已立世子乃告

于宗廟社稷臣民
而以其冊藏之也

按此以上姑探記以補大禮之遺然此乃世子方在襁褓而
立之其立長君之儀豈不然矣又妃抱世子及告太宰以下
理皆未安夫世子生初見父猶世婦抱擯者擯而君薨告世
子生猶少師奉子以養也會冊立大禮而內宮自抱之以從
乎王立世子后從之其義一也帝授宗廟妃稱不敢者尊禮
是妃私此世子也大夫士各于之時父曰欽有帥母曰配有
成道蓋相贊也而如之何妃顧私之乎且未聞立世子大禮
太宰不與而猶待告者也告州伯禮闕史蓋又太夫以世子

生命名之禮而誤襲之耳此蓋漢儒抄撮虛餘之說無實生

朴茂猶不免學者詳之可也

〔義〕左傳王子朝曰先王之命王后無適則擇立長無錫以繼

釣則上王不立愛公卿無私古之制也此先王立嫡之正意

以告諸侯耳學者但斷章取之以明其禮可也孔叢穆公問于子思曰立太子有常乎

答曰有之在周公之典太子嫡長也常謂定禮也公曰昔文王舍適而立其

次微子舍孫而立其弟何也子思曰殷人質而尊其尊故立弟

周人文而親其親故立子亦各其禮也文王舍適立次微也

適孫次謂次子伯邑考死文王舍適孫而立次子武王微子無子舍其孫而立其弟衍皆非嫡長故問也權謂武王賢用權

而立公曰苟得行權豈唯聖人唯賢與愛立也子思曰聖人不

以權教故立制垂法順之為貴言權者因時而制非可為常教也公曰舍賢立

聖舍愚立賢何如子思曰唯聖立聖其文王乎不及文王者則

各賢其所愛賢其所愛是失其賢也孟子齊桓公會諸侯于葵丘初命曰

誅不孝毋易樹子毋以妾為妻命謂王命也述王命五而此其首也樹立也因立子而并言子

道妻道也

考左傳晉獻公獲驪戎之女驪姬嬖生奚齊其姊生卓子驪姓

國驪姬欲立奚齊乃使太子申生居曲沃既與中大夫成謀乃

謂太子曰君夢齊姜必速祭之太子祭于曲沃歸胙于公公田

姬實諸宮六曰公至焉而獻之公祭之地地墳與犬犬斃與小

臣小臣亦斃姬泣曰賊由太子齊姜太子母胙祭肉也齊經有賊敗而經六日明公之怒也事

詳晉語太子奔新城公于重耳謂之曰子請言子之志于公乎世

子曰不可公安驪姬是我傷公之心也西平聲○盍何不也重耳申生異母弟也重耳

欲使言見諍之故而申生謂言其意則驪姬必誅故辭之也事詳左傳曰然則盍行乎世子曰不

可君謂我欲弑君也天下豈有無父之國哉吾何行如之行去如往

也言人皆惡弑父之人將何去以往乎使人辭于狐突曰由生有罪不念伯氏之

言也以至于死申生不敢愛其死雖然吾君老矣于少國家多

難伯氏不出而圖吾君伯氏苟出而圖吾君申生受賜而死再

拜稽首乃卒是以爲恭世子也少詩召反難乃且反○辭猶告也狐突申生之傳舅犯之父也

前此獻公使申生伐東山魯落氏狐突欲使申生出行今言此以謝之也國吾君謂出而定國也

漢史叔孫通傳漢高祖欲以趙王如意易太子太子太傅叔孫

通諫曰昔者晉獻公以驪姬故廢太子立奚齊晉國亂者數十
年爲天下笑秦以不早定扶蘇胡亥詐立自使滅祀此陛下所
親見今太子仁孝天下皆聞之呂后與陛下攻苦食啖其可背
哉陛下必欲廢適而立少臣願先伏誅以頸血汙地啖當作淡言其攻勤
苦而食淡泊也高帝曰公罷矣吾特戲耳通曰太子天下本本豈搖天
下震動奈何以天下戲高帝曰吾聽公矣罷休也及上置酒見留
侯所招客從太子入見遂不易太子客謂四皓也宋史宋文帝太子
劬次子始興王濬並多過失數爲上所詰責因相與共爲巫蠱
呪詛上巫蠱者巫爲木偶上載其人姓名而呪詛之也事聞上駭問得實尙未忍誅但
遣使切責之劬濬不悛上欲廢劬而誅濬議久不決悛改侍中

王僧綽言于上曰當斷不斷反受其亂願以義割恩畧小不忍

毋使難生意表取笑千載

割舍也畧去也

上不能用劬濟遂共謀逆弑

帝于合斂仗主上天與死之荊州刺史武陵王駿起兵赴難誅

劬及濟遂即帝位是爲孝武帝

仗主王儀仗之官

世子禮

文見文王世子今參補于左

世子之禮朝夕至于大寢門外問內豎曰今日安否何如內豎曰

安世子乃有喜色其有不安節內豎以告世子世子色憂不滿容

內豎言復初然後亦復初

朝如字○豎小子也周禮內豎掌外內之通令是也節謂居處之節不滿歎也

朝夕之食上世子在視寒煖食下問所膳羞知所進命膳宰然後

退

上詩掌反○在察也所進所食也命所謂末有原也

若內豎言疾世子親齊立而養膳宰

之饌必敬視之藥必親嘗之嘗饌善則世子亦能食嘗饌寡世子亦不能飽以至于復初然後亦復初

齊側皆反養羊尙反○親猶自也齊玄玄冠玄端也養疾

者服之親嘗恐味毒也善謂多于前也

考禮記文王世子文王之爲世子朝于王季曰三雞初鳴而衣服至于寢門外問內豎之御者曰今日安否何如內豎曰安文

王乃喜及日中又至亦如之及莫又至亦如之

莫暮同○日三視常禮有加也

御侍也如今小史直日矣

其有不安節則內豎以告文王文王色憂行不能

正履王季復膳然後亦復初

履蹈地也言不但色不滿容而已

食上必在視寒

煖之節食下問所膳命膳宰曰末有原應曰諾然後退

末猶勿也原再

也勿有所再進恐失飪臭味惡也○膳曰食上謂獻饌食下謂食畢撤饌而下文王問父所膳何食膳宰答畢文王又戒膳宰

言在後進食皆須新好。武王帥而行之不敢有加焉。文王有疾無使前進之物再進也。

武王不脫冠帶而養。文王一飯亦一飯。文王再飯亦再飯。傳備也云

不敢有加者聖人之行第忠過無思不及也。不脫言不就寢也。

○穀左傳晉里克曰太子奉冢祀社稷之粢盛以朝夕視君膳者

也故曰冢子。盛音成。○里克晉大夫事詳春秋閔公二年。○注曰冢大也。膳厨膳也。疏曰膳之言善也。君行

則守有守則從從曰撫軍。守曰監國。古之制也。守守國也。從從軍也。若有人守

國則太子從軍也。

儀禮經傳內編卷四

姜兆錫註疏參義

飲食之禮一之二

此即周禮所謂以飲食之禮親宗族兄弟也飲食對饗燕賓射而言饗禮教以肅體薦而

不食胃盈而不飲立而不坐獻畢而止是也燕禮和以樂一獻既畢皆坐飲以至醉是也食禮簡以質酒雖設而不飲以飯為主是也飲即燕也而儀特畧于燕射亦燕也而情較切于燕故以飲食之禮親宗族兄弟者取其賞畧也餘義見族飲酒禮

士族飲禮

大夫族飲禮

諸侯族飲禮

王族飲禮

按族飲族食之禮自王下達而今則王侯大夫士其禮並闕不可考矣此大夫以下族飲之禮始採

左傳備考于左而王侯禮採詩宵雅及禮記文王世子大傳各篇總備記義於後食禮並以此推之

考左傳文伯飲南宮敬叔酒以露堵父爲客羞鼃焉爲小堵父

怒辭曰將使體長而後食之遂出

增父為客以異姓為賓而族相齒也

敬姜聞之

怒曰吾聞之先子祭養尸饗養上賓鼈于人何有而以此致怒

遂逐文伯五曰魯大夫辭而復之

敬姜文伯母也辭請也大夫族相飲以鼈小致怒故其母

以祭饗之禮教之然則饗食燕飲皆無雜羞明矣

記詩常棣饋爾饔豆飲酒之飲兄弟既具和樂且燕

饋有序貌飲屬也孝

子五十而慕曰孺慕兄弟亦如之極形其愛慕之至也

妻子好合如鼓瑟琴兄弟既翕和

樂且湛

常人多厚妻子而薄兄弟詩言其交資為樂以見聚順之有本也

伐木伐木許許釃酒

有英既有肥羜以速諸父寧適不來微我弗顧

許許伐木聲釃酒所謂縮酌用

茅也英美也羜羊速召也適偶微非也詩蓋以伐木與釃酒而因見以禮聚族之殷勤也

伐木于阪釃酒有

衍邀豆有踐兄弟無遠民之失德乾餱以愆

衍行列貌乾餱陳物也又反言以決

之○按得雅篇首皆燕飲其臣之樂而詩咏兄弟則周
公悲三監而作亦可見君與族屬恩義相關之至意矣

禮記文王世子庶子之正于公族者教之以孝弟睦友慈愛明

父子之義長幼之序

庶子謂掌庶子之官正政同謂為政于公族也

其朝于公內朝則

東面北上臣有貴者以齒

內朝謂路寢序以齒明其以恩勝也若治朝在外則序爵矣

其公

大事則以喪服之精麤為序雖于公族之喪亦如之

大事謂喪也臣為君

皆斬衰而升數則各依本親使繼在前而精在後也公族自相為服亦然皆庶子之官治之

若公與族燕與

姓為賓膳宰為主人公與父兄齒

族燕猶言族飲也族雖遠不可以賓外之故以異姓人為

賓也惟如此故公得與父兄齒而恩乃全矣

族食世降一等

族食猶族燕也燕無常食有序世降一等疏謂

齊衰歲四會食大功

三小功二總麻一也

義大傳上治祖祢尊尊也下治子孫親親也旁治昆弟合族以

食序以昭穆別之以禮義人道竭矣

尊親亦序昭穆昭穆各有尊親分言上治下治旁治

互文也末二句疏謂總三者而言

四世而總服之窮也五世祖免殺同姓也六

世親屬竭矣庶姓別于上而戚單于下昏姻可以通乎繫之以

姓而弗別綴之以食而弗殊雖百世而昏姻不通者周道然也

單謂綴連也四世同高祖者服總五世但相袒免蓋通其窮而已况六世庶姓別而戚已盡乎故疑其可通昏姻也庶姓雖別而有卒姓以繫之戚屬雖盡而有飲食以綴之其不可通亦明矣文王世子公族朝于內朝內

親也雖有貴者以齒明父子也喪紀以服之精微為序不奪人

親也公與族燕則以齒而孝弟之道達矣其族食世降一等親

親之殺也

父子猶言昭穆親謂服親也殺差也

侯國族飲酒禮

王國族飲酒禮

此周禮所謂四閭爲族其長與民飲酒之禮而侯國亦如王國也其禮闕異同蓋不可考

姑採周禮族師職記于左。按周禮宗伯飲食之禮親親宗族兄弟而儀禮乃列與賢禮賓諸禮賓射之禮親故舊朋友而儀禮乃列取賢擇士諸禮若不相符何也曰是當以先王制禮之分合與周禮儀禮序禮之正閏推之也夫所謂饗燕飲食賓射者饗食于廟以訓其儉燕飲于寢以示慈惠賓射于宮以審德行是饗食一類燕飲一類而賓射又一類也然饗食皆訓其儉而食簡于饗燕飲皆示慈惠而燕繁于飲賓射自審德行而射爲于燕是朋舊之賓射自一類而族屬之食飲又一類賓客之饗燕又一類也周禮飲食不言與賢禮賓賓射不言取賢擇士者宗伯掌王禮族屬朋舊爲正也儀禮與賢禮賓兼屬飲食取賢擇士兼屬賓射者自王下達此皆爲閏也族飲禮賓凡族黨州鄉亦質也故次之賓客之饗燕不主質也而食賓客則亦質矣故又次之也朋舊之賓射情彌篤鄉射自次之大射雖大禮然以事則助祭重于隆舊而人以人則隆舊又重于擇士矣故又次之也明制禮之分合又明序禮之正閏而禮庶悉得矣餘禮亦放此推之

記周禮族師春秋祭醺則屬民而讀邦法

祭醺謂因祭而合衆飲酒也。疏曰按州

長春秋習射黨正十月農功畢皆有飲酒之禮官物爲之今族
與故不得官物爲禮也禮器周旅酬六尸曾子曰周禮其猶醴
與鄭注合錢飲酒爲醴明堂位乃命國醴是也蓋以不得官酒
故須醴錢耳王氏曰古禮民不得群飲故漢文賜民大酺三日
謂之特典若此蓋
祭畢得相飲也

侯國黨飲酒禮

王國黨飲酒禮

此卽周禮五族爲黨其長與民飲酒之禮而侯國亦如之也其禮並闕不可考姑記周禮

黨正職如左而并辨正黨

記鄉飲酒義列于後云

記周禮黨正國索鬼神而祭祀則以禮屬民而飲酒于序以正

齒位一命齒于鄉里再命齒于父族三命而不齒

注曰索鬼神謂蜡祭郊特

牲季冬合聚萬物而索饗之是也正齒以序年正位以序爵
命爲下士猶以年與鄉人相次亦與庶人在官同祿之意也再
命爲中士則惟與父族相次而鄉里不敢與齒矣三命爲上士
能父族亦不得齒故鄉飲特于尊東立別席以爲饋而尊之也

疏曰鄉飲酒之禮一則卿大夫賓賢能而飲二則鄉大夫詢民
習射而飲三則州長習射而飲四則黨正蜡祭而飲總皆謂之
鄉飲酒鄉則三年一飲鄉大夫爲主人州則一年春秋再飲州
長爲主人黨則一年十二月一飲黨正爲主人朱子語類曰黨
正三命不齒據此雖說鄉黨莫如齒到得爵尊後又不復序何
曰古人貴貴長長並行而不悖他雖說不序亦不相壓自別設
一位如今之掛位然愚按序齒位乃黨正蜡祭之禮與鄉州飲
射無涉鄉州只是賓賢能而已今鄉飲酒義乃謂以明長幼之
禮因列六十坐五十立及六十三豆七十四豆之屬于篇此蓋
禮文散逸漢儒不見黨飲之正經拾取零文牽率誤引而注疏
于鄉飲酒禮亦遂以尙賢尙齒兩義並訓也今謹將諸文定歸
于左方諸鄉字並當作黨字解其注云上士三命以下乃王朝
之士若公侯伯之士一命子男
之士則不命耳學者并詳之

義禮記鄉飲酒義古者鄉大夫士之射也必先行鄉飲酒之禮
鄉飲酒之禮所以明長幼之禮也鄉飲酒之禮六十者坐五十
者立侍以聽政役所以明尊長也六十者三豆七十者四豆八

十者五豆九十者六豆所以明養老也民知尊長養老而後

能孝弟民入孝弟出尊長養老而後成教成教而後國可安也

君子之所謂孝弟者非家至而日見之也合諸鄉射教之鄉飲

酒之禮而孝弟之行立矣注曰此鄉飲酒謂黨正蜡祭時以禮

射則州長春秋以禮會民而射于州序之禮也謂之鄉者州黨皆鄉之屬也疏曰按鄉飲酒為賓賢能之禮用處士為賓其水為介其次為衆賓皆以賢能者為之此正齒位之禮其賓介等皆用年老者為之其餘為衆賓內年六十以上者坐于堂上賓席之西南面若不盡則于介席之北東面其五十者則立于西階下之東南面示有陪侍之義也以聽政役者示其聽受六十以上之政事役使也豆實是供養之物故云明養老立侍是陪侍之儀故云明尊長入孝弟謂入門而能孝于親弟于長出尊長養老謂出門而能尊其長養其老也呂大臨曰古之貴老也其政則導其妻子使養其老家植之桑畜之雞豚狗彘則老者固足以衣食食肉矣而其教則食三老五更于太學天子袒而割牲執醬而饋執爵而醕冕而總干凡四代之養皆于庠序稟用

樂燕食之禮又所以使民不遺老窮知貴老之義也故飲酒之禮尊長近于事兄養老近于養親入則順乎父兄出則順乎長上強不犯弱衆不暴寡人倫既正教行俗美薰沐涵濡遷善而不自知故曰所謂孝弟者非家至而日見之也春若秋則合諸州長之射以觀德行冬則行之黨正之蜡以正貴位鄉黨習見禮教之盛漸乎禮義之俗孝弟之行不肅而成則禮之效也

侯國州飲酒禮

王國州飲酒禮

此卽周禮五黨爲州其長將與民射先與之飲酒之禮而侯國亦如之也然周禮及書傳

州飲酒無文而知其有是禮者州長春秋以禮會民射于州序凡飲有不射射無不飲故也但其禮今闕耳或曰州飲亦鄉之屬也黨飲不得與鄉飲合者尙齒與尙賢各異也若州飲得與鄉飲合者儲材與興賢畧同也其說近是

按食禮凡大夫諸侯各相食及王于諸侯以下諸侯于大夫

以下多用之而飲惟族黨州鄉用之者食飲饗燕四禮也四者質文輕重各殊禮之所用畧如之考食禮重擬燕饗而視

燕饗或稍質故其文而繁者用于王侯大夫而質而簡者用于父兄宗族也飲禮亦畧同燕禮而視燕禮爲稍輕故族黨州鄉則用之而不與食饗燕之特用于重且大者等矣先聖之禮意以是推之

侯國鄉飲酒禮

此周禮五州爲鄉鄉大夫與賢能與之飲酒之禮而侯國亦如之也鄉飲酒之屬之禮僅

存此篇考其禮蓋專主尚賢而注疏乃兼及尚齒謂大婚之時黨正以齒飲民于序鄉大夫臨觀行禮亦各鄉飲酒也今按序賢序齒禮不相混謂其亦得通名鄉飲酒則可謂其亦通行此禮則失矣况注疏于記載六十者坐以下又明言鄉飲酒與鄉飲酒之異禮乎

鄉飲酒之禮主人就先生而謀賓介

注曰主人謂諸侯之鄉大夫先生謂鄉中致仕者賓介謂

處士之賢者周禮大比與賢能鄉大夫以其禮禮而賓之厥明獻于王而諸侯之鄉大夫貢士于其君亦如之謀賓介于先生者

大夫士年七十而致仕大夫名曰父師士名曰少師恒教鄉人而
知其賢否是以大夫就而謀之賢者為賓其次為介又其次為衆
賓也黨正每歲國索鬼神而祭祀亦以禮屬民而飲酒序序以正
齒位而凡鄉黨民聚又必飲酒凡飲其見化知尚賢尊長也孟子
曰天下有達尊三爵也德也齒也是也疏曰處士謂有德行道藝
而未仕者賢即德行能即道藝也鄉老謂三公周禮二鄉公一人
是也鄉大夫貢士于君鄉貢一人而已其介與衆賓但輔賓行鄉
飲酒之禮待後年貢之按射義諸侯歲獻貢士注云大國三鄉次
國二鄉小國一鄉鄉送一人其送數及公邑采地之數皆與鄉數
同而不言者蓋總校德之大小以貢之綴取鄉外仍准鄉數為定
也民聚謂大比及大蜡之時尚質據鄉大夫飲酒而言尊長據鄉
正飲酒而言黨正飲酒鄉大夫臨觀行禮故亦名鄉飲酒也引至
子者鄉大夫飲酒是尚德黨正飲酒是尚齒後賓若有尊者章即
尚齒之義也愚按尚齒自是黨正職飲酒之禮與鄉飲酒無涉辨
見主人戒賓賓拜辱主人答拜注曰戒警也告也拜辱者乃請賓
出拜其屈辱至已門也

賓禮辭許主人再拜賓答拜

注曰請者告以其所為來之事也不
同辭者素所志也猶必禮詞者進以

禮也疏曰按冠禮主人先拜賓答拜此賓先拜主人答拜者彼冠
禮主人戒同賓尊又請其加冠于子尊重之故主人先拜此則鄉

大夫尊賓是鄉人與者故賓先拜辱也通解曰學成行主人退賓修仕于朝以致君澤民此士之素所有志非為名利也主人退賓拜辱退猶去也去又拜辱介亦如之注曰如戒賓也疏曰不言戒在謀戒時亦謀之故上注兼言為衆賓至戒速當遣人戒速使知耳故下云賓及衆賓皆從之而鄉飲酒義亦云主人親速賓及介而衆賓自從之也

本記鄉朝服而謀賓介皆使能不宿戒鄉即謂鄉大夫也朝服謂冠玄端緇帶素鞶白屨也再成為宿戒禮將有事先戒而復宿戒能者斂于事不待宿戒而習之也

右戒賓介

乃席賓主人介衆賓之席皆不屬焉

注曰席數席也乃席者風興往戒歸而敷席也賓席于隅

前南面主人席于阼階上西面介席于西階上東面衆賓席于賓席之西屬續也皆獨坐不屬明其德各特也疏曰鄉射云席賓南面東上衆賓之席繼而西此衆賓之席亦當然但鄉射言繼者甫欲習衆庶未有所殊別此賓將貢于君故衆賓之席皆不屬但統

賓爲位而同南面也。愚按鄉飲席位經無明文。注蓋據鄉飲酒義而言也。但鄉飲鄉射之席賓與衆賓皆相繼而不屬。言其遞爲位則相繼言其各爲位則不屬。二者參互推之可見。非有殊禮也。所以鄉射言繼而西鄉飲言皆不屬者。鄉射單以賓與衆賓言之。故言繼而西而鄉飲合言席賓主人介衆賓之席。凡十字爲句。則賓與衆賓雖不屬而自相繼。主介一東階一西階則不相屬而亦不相繼矣。而疏于句讀有差。因于義釋有誤。乃謂賓以將賁于君有所殊別。故衆賓之席不屬而不相繼也。不亦率爲之說而使經義晦哉。尊兩壺于房戶間。斯禁有立酒在西。設篚于禁南。東肆加二勺于兩壺。斯禁承尊諸名。立酒在西上之也。肆陳也。疏曰。凡設酒尊皆于顯處。見其文也。此及醢子與鄉射特牲少牢有司徹是也。言東肆者以頭首爲記。從西向東爲陳。則大頭在西也。斯之言漸也。盡也。其禁切地無足。故名斯。亦名樹。皆禮冠禮皆云禁者。士禮以禁戒爲名也。玉藻大夫側尊用樹。士側尊用禁。是大夫之禁名樹與士但名禁者異也。禮器統云大夫士樹禁者。注云。樹謂斯禁也。謂之樹者。特牲禮實獸于樹樹之制。如今大木與非承尊之物。以斯禁無足似之。故名爲樹。樹禁名雖異。設洗于阼階東南南實同也。愚按王藻斯樹與制樹較卑也。疏誤。設洗于阼階東南南

北以堂深東西當東榮水在洗東館在洗西南肆注曰榮謂屋

翼也疏曰堂深謂從堂廉北至房室之壁也以堂深者堂下洗北

去堂之遠近其深淺取于堂上之深淺假令堂深二丈洗亦去堂

二丈以此為度也榮在屋棟之兩頭與屋為翼若鳥之有

翼斯詩云如鳥斯革如翬斯飛與屋為榮故云榮也

本記蒲筵緇布純

純章九反。筵席也。純緣也。公食禮云蒲筵常緇布純此不言常文不具也。信訪曰常丈

六尺也。餘詳鄉射禮。

尊給冪賓至徹之

給葛也。冪覆尊巾也。餘詳鄉射禮。

右設具

羹定主人速賓賓拜辱主人答拜還賓拜辱

定丁侯反。注曰肉謂之羹。定猶熱也。速

召也。還猶退也。疏曰肉熟即定止然故以定言之不敢勞賓使之

至而久候故以羹定為速賓之節也。還又拜辱者特拜辱而送之

也。按聘禮賓至近郊使下大夫至賓館公食大夫禮使大夫戒賓

凡此賓皆不拜送遂從之此還退又特拜而送之者亦是鄉大夫

尊賓卑

介亦如之

注曰如速賓也。

賓及眾賓皆從之

注曰從猶隨也。言及眾賓介亦在其中矣。

本記其牲狗也。亨于堂東北。平烹同。注曰：于堂東北者，祖陽氣之所始也。陽氣主養，易曰：天地絪縕，萬物聖人養賢以及萬民。疏曰：注據鄭飲酒義而言也。陽生始于東北，盛于東南，故云祖陽氣之所始也。引易顯象辭者，義取養賢能而賓舉之意也。

右速賓介

主人一相迎于門外，再拜賓。賓答拜，拜介。介答拜，揖衆賓。相去幣

相謂主人之吏擯贊傳命者也。衆賓不拜，差益卑也。拜介揖衆賓皆西南面。疏曰：主人于群吏中立一相，使傳賓主之命，乃自出迎賓于大門外。鄉飲酒義云：主人拜迎賓于庠門之外，是也。主人迎賓再拜而介，但拜是介，差卑于賓。衆賓又不拜，但揖之而已。是差益卑也。賓介衆賓立位在門外，以北爲上。主人與賓正東西相當，介與衆賓差在南，故主人正西面拜賓，則側身向西南，拜介揖衆賓。主人揖先入賓，厭介入門左，介厭衆賓入，衆賓皆入門左，北上。厭一涉反。注曰：主人揖先入，謂入門東而西面，賓厭介入門左，皆入門西而東面也。推手曰揖，引手曰厭。賓之屬相厭，推于主人。

也疏曰庠學唯有一門卽向階門內既有三揖故主人導賓揖而
先入至內雷乃西向待賓行禮也云變于主人者主揖訖向堂塗
先入賓介衆賓亦隨主人但賓與介衆賓等不揖自引手而入是
變于主人也厭字或作擅字古通用周禮司儀云土揖庶姓時揖
異姓天揖同姓鄭以推手小下之爲土揖平推手爲時
揖推手小舉之爲天揖也云引手者以手向身引之也主人與賓
三揖至于階三讓主人升賓升主人阼階上當楹北面再拜賓西
階上當楹北面答拜注曰三揖者將進揖當陳揖當碑揖也楹前
人升賓升者主先升賓後升鄉射云主人升一等賓升是也云當
陳者爾雅云陳堂塗也云楹爲前梁者對後梁而言謂室戶上也
拜賓至堂者鄉飲酒義云拜
至是也此拜至皆尊之也

本記立者東面北上若有北面者則東上

云若者賢者衆寡無
常也或統于堂或統

于門。疏曰此謂堂下立者也鄉人賢者或多或少若少則東
面北上統于堂也若多東面立不盡卽門西北面東上統于門
也餘見

鄉射

右迎賓

主人坐取爵于篚降洗賓降

注曰主洗將獻賓也賓降從主人也疏曰篚在堂上尊南故取之乃降也

降時直云賓降不言處所後復位當西序注云復西序東面明始降時在此也是舉下以明上之義

主人坐奠爵于

階前辭賓對

注曰辭者重以已事煩賓也事同日讓事異曰辭對答也賓主之辭未聞疏曰獻賓是主人事故重以煩

賓也事同謂若上文主人與賓俱升階而云三讓是也事異若此文主人有事賓無事則曰辭是也此對文為義若散文則通周禮司儀云主君郊勞交擯三辭車逆拜辱三揖三辭拜受是也愚按鄉射云昨階前西面文異義同也注云賓主之辭未聞今考聘禮郊勞記辭曰非禮也敢對主人坐取爵興適洗南面坐尊爵于篚曰非禮也敢蓋通例與

下盥洗賓進東北面辭洗

注曰已盥乃洗爵致潔敬也必進東行示情也疏曰致潔敬者鄉飲酒義云主

人盥洗揚觶所以致潔也拜至拜洗拜受拜送所以致敬也是也賓進東北面辭洗鄉射禮亦然彼注云必進者方辭洗宜遵其位也言北面則位南于洗矣是賓初降立于序南東鄉至主人洗爵乃東行故得北面辭洗也示情者賓進前就主人示謙下主人之

情主人坐奠爵于篚與對賓復位當西序東南注曰言復位者明始降時位在此也

疏曰上主人未洗爵見賓降故奠爵于篚而與對也主人坐取爵沃洗

者西北面取爵洗之也。注曰沃洗者主人之群吏也疏曰下記者

沃盥設薦俎主人之贊者注云贊佐也謂主人之屬佐助主人敬聚

之類者是也卒洗主人壹揖壹讓升賓拜洗主人坐奠爵遂拜注

升俱升也疏曰鄉射云主人卒洗一揖一讓以賓升是俱升也上

文主人先升賓乃升者以初至之時賓客之道進宜難故主人升

導之至此以辭讓訖故畧威儀而俱升也因事曰降盟賓降主人

遂凡賓主相報皆言答此言遂不言答省文也卒壹揖讓升賓西

辭賓對復位當西序注曰復位為手分汗也前卒壹揖讓升賓西

階上疑立疑魚乙反。注曰疑讀為疑然從于趙盾之疑疏曰不

然與此異耳鄉射注云疑止也有矜莊之色主人坐取爵賓之賓之席前西北面獻賓

賓西階上拜主人少退少退避拜也。注曰獻進也進酒于賓也

疏曰賓在西階北面將就席受爵故西北

向向其賓進受爵以復位主人阼階上拜送爵賓少退注曰復位

位也疏曰賓西階疑立今見主人西北而獻爵于已席前故賓進將于席前受之也按鄉射云賓進受爵于席前復位此文不具也

薦肺醢賓升席自西方乃設折俎主人阼階東疑立注曰薦進也

進之者主人有司也凡升席必中席折俎謂牲體枝解節折在俎也疏曰按禮禮賓贊者薦肺醢周禮膳宰薦肺醢故知此亦非

主人是有司也凡牲體有全羔有豚解有體解體解即折俎下賓俎脊脅肩介俎脊脅肫肺是也賓坐左執爵祭

肺醢注曰坐謂坐于席也祭肺醢者以右手疏曰上文賓升席下文降席故知坐在席也左執爵明祭用右手也鄉射亦云右

祭肺奠爵于薦西興右手取肺卻左手執本坐弗纒右絕末以祭

向左手臂之綬音了臂才計反非綈同注曰興起也本謂肺端

也向左手者明垂紼之乃絕其末也噉嘗也疏曰奠爵謂取肺也

奠之將復舉故奠于右也取肺時與爵興至加肺于俎又與記云取俎進俎不坐是也此鄉飲酒乃大夫禮故纒祭鄉射乃士禮故絕祭言纒必兼絕言絕不得兼纒大夫以上天子諸侯亦纒絕兼

但禮篇亡耳周禮大祝辨九祭七日絕祭八曰繅祭注云繅祭以

手從肺本循之至于未乃絕以祭也絕祭不循其本直絡以祭也

二祭本同禮多者繅乃絕之禮畧者但絕之也燕禮大射雖皆諸

侯禮以臣在君前故但絕不繅也至齒曰嚼則嘗之也愚按弗繅

之弗注未釋而疏云弗繅一也蓋讀如繅持之繅佛誤多義肺上

為本下為末蓋右取其中左執本坐拂繅之而乃右絕以祭與尚

左手當連嚼之為句蓋先卻左手而執繅今上左手而嚼之與加

因遂挽手而祭酒也注以尚左手為垂紵乃絕之釋恐未安與加

于俎坐挽手遂祭酒與席末坐啐酒祝始兌反啐七內反。注曰

也疏曰內則士佩之中有祝則賓客自有祝巾以拭手也席末肅

尾也鄉飲酒義云于席末言是席之正非專為飲食也此所以還

禮而賤財也祭薦祭酒嚼肺于席中唯啐酒于席末是降席坐奠

爵拜告肯執爵與主人阼階上答拜注曰降席席西也言美也賓西階上北面

坐卒爵與坐奠爵遂拜執爵與主人阼階上答拜注曰卒盡也于

此席非專為飲食起也疏曰言遂拜者亦因奠爵不起乃拜也非

專為飲食起者此席為賓賢能起也為賓賢能起故不在席卒爵

而于此西階上卒之。啐酒于席末而卒酒更于階間故以不專言之也。

本記獻用爵其他用解。

他用解者爵尊不棄用也。疏曰獻賓介獻眾賓等皆用一升之爵至酬及旅

酬等皆用三升之解以獻為初相敬故用爵以酬等皆為相獻故用解也。愚按賓介酢亦用爵而但言獻者獻酢禮之正酢統于獻也。凡舉爵三作而不徒爵不徒爵謂獻賓獻大夫獻工皆有薦也。疏曰徒空也謂不空以爵

獻之而已皆薦脯五挺橫祭于其上出自左房。

挺亦作挺。挺猶臠也謂乾肉

也。鄉射記薦脯用遵五臠臠長尺二寸是也。橫祭于其上謂橫置之也。鄉射記祭半臠橫于上曲禮以脯修置者左胸右末皆是也。左猶東也。鄉射記出自東房是也。疏曰鄉射記云用饔五臠祭半臠臠長尺二寸。疏以豆此脯各不言尺寸亦不言豆者文不具也。俎由東壁自西階升。疏曰享狗于東方饔陳于東壁恐

升也祭饔由東階升。特牲少牢是也。

賓俎脊脅肩肺主人俎脊脅臂肺介俎將脅

胛肺肺皆離皆右體進腩。

胛音格。注曰凡牲兩脰骨三肩胛也。後脰骨二肩胛也。尊者俎尊也。

卑者俎卑骨祭統云凡為俎者以骨為主凡骨前貴後賤是也
勝理也進理謂前其本也今文肱作肱疏曰此序牲體賓用肩
主用贊介用肱前貴後賤之例也其間有肱腕在而介不用者
蓋將為大夫俎故關耳鄭注鄉射記云賓用肩主用贊尊賓也
若有遵者則俎其餘體是肱腕為凡大夫用明矣大夫雖尊不
奪賓主正禮故用體卑于主與賓而尊于介也或有介俎腕而
此不言者欲見用體無常若有一大夫即介得用肱若有二大
夫則介但用肱也云肱略為後腰骨二而不及數者此皆如特
牲少牢不取肱也祭統據祭祀歸俎之法此據生人飲酒之禮
引之者取骨有貴賤之義以賓用肩主用贊介用肱其前貴于
後一也通解曰按介俎脊脅肱腕印本肱上有腕字而釋文無
音疏云有肱腕而介不用明本無此字也成都石經亦誤今據
音疏以爵拜者不徒作注曰作起也言拜既爵者不徒起起必
酢主人也疏曰拜受爵者有不酢主人
注上經來賓之長一人受爵而不酢坐卒爵者拜既爵立卒爵
主人是也故注知此拜爵是拜既爵者不拜既爵注曰降殺各從其宜惟工不從此禮也疏曰工不
從此禮者以工無目故不立卒爵而坐卒爵雖坐
卒爵而不拜既爵也

右主人獻賓

賓降洗主人降

注曰賓降洗亦將酢主人也主降亦從賓也降立

酌以報之故亦降洗而致潔敬也下云

賓坐奠爵與辭主人對

主人復作階東西面故知初降在此也

王辭賓對也。注曰奠之西階前也疏曰鄉射云賓西階前東面坐奠爵與辭降此亦然也通解曰疏云鄉射禮賓盥訖主人乃解洗此禮之常也今賓將舉爵故未盥而辭洗以重之也按賓坐取此等恐或文有先後未必有此輕重之別如疏所云也

爵適洗南北面主人作階東南面辭洗

亦有主洗賓辭也

賓坐奠爵于篚

與對主人復作階東西面

亦如主與對賓復位也

賓東北面盥坐取爵

亦如

取爵也于此乃言盥者互文不言沃洗者省文

卒洗揖讓如初升主人拜洗賓答拜

亦如

升拜而升不言一揖一讓者省文拜言答亦互文也

興降盥如主人禮

復盥言如約詞也蓋亦主揖升賓疑立矣

賓賓爵主人之席前東南面酢主人主人作階上拜賓少退

亦如

實拜而主人進受爵復位賓西階上拜送爵亦如賓進受主拜送少退也

薦脯醢主人升席自北方設折俎升席自北方所謂升由下也祭不言賓西階上疑立亦省文

如賓禮不告旨祭者通言祭脯醢祭肺祭酒之屬如賓禮者此主

也主不告旨者酒已物故自席前適阼階上北面坐卒爵興坐奠

爵遂拜執爵興賓西階上答拜亦如賓卒爵拜而主答拜也彼賓但言西階上卒爵不言自席前適

西階上而此主人言自席前適阼階上者亦互文主人坐奠爵于序端阼階上北面再拜

崇酒賓西階上答拜崇酒未詳本注曰崇充也言酒惡相充實也疏曰奠爵于序端者擬酬賓訖取此以獻介

也賓告旨甘主人之味故啐酒時則拜之主人謝實以酒惡相充實故至飲訖乃拜也愚按注疏所釋崇酒之義恐未然以崇為充

既非正訓而以酒惡相充實謂之崇酒彌復牽強且如以崇酒為謝酒之惡當于獻賓告旨之時不當于酢主主不告旨之後主

受酢不告旨可矣而又忽于其時謝酒之惡即于上下文之義亦未可通矣然則崇酒何也此乃謝賓之酢爵主賓相對為義也崇

之言隆謂之榮酒者謝賁酢之隆施猶記下天上施之意耳况鄉射息司正之文云賁酢主人主人不榮酒此對正禮賁酢主人主人崇酒而言文義固瞭然乎苟訓有未安是失經文之正而遂失先聖行禮之次也故愚不敢以不辯達禮者幸詳之

本記主人介凡升席自北方降自南方

注曰主席西鄉介席東鄉凡席東鄉西鄉以南

為上席南上升由下降由上由便也

介爵酢爵俱爵皆居右

三爵皆飲爵故奠皆居右也介賁之輔也

許以酢主也通謂鄉人為鄉大夫來觀禮者古文俱作通疏曰凡優賁之爵奠不舉三人既不被優故爵並居右示為飲之也經介爵及主人受酢之爵并俱爵皆不明奠道之所故此明之

右賓酢主人

主人坐取鴈于篚降洗賓降主人辭降賓不辭洗立當西序東向

注曰不辭洗者以其將自飲也疏曰酬酒先飲乃酬賓故云將自飲也亦盥洗者禮宜潔一也主人辭應奠爵賓應對不言者文畧也愚按前此用爵而已今始用鴈記所謂獻用爵其他用鴈此也卒洗揖讓升賓西階上疑立主

人賓解酬賓作階上北面坐奠觶遂拜執觶興賓西階上答拜

酒也酬之言周忠信為周也。疏曰賓疑立者待主人自飲也主人將酬賓自先飲示忠信之道也忠信為周國語文坐祭

遂飲卒觶興坐奠觶遂拜執觶興賓西階上答拜

卒洗坐祭不言主人皆省文凡

不言賓主者放此主人降洗賓降辭如獻禮升不拜洗賓西階上立

疏曰主人實解賓之

禮者主人辭賓之降及賓之對主人皆與獻賓時同也主升不言揖讓省文也賓不拜洗殺于獻也主人實解賓之

席前北面賓西階上拜主人少退卒拜進坐奠觶于薦西賓辭坐

取觶復位

少退避其拜故卒拜乃進也。注曰辭者辭其坐奠解也疏曰鄉射禮二人舉觶于賓與大夫進坐奠于薦右賓與大夫離坐受觶以興注云辭者辭主人復親酌已也主人作階上拜送賓北面坐奠觶于薦東復位

注曰酬酒不舉君子不盡人之歡不竭人之忠以全交也

記凡奠者于左將舉于右

注曰于左者不飲不欲其妨也于右便于舉也疏曰凡奠者于左謂

主人酬賓之辭主人奠于薦右客不盡主人之歡奠之于左是不欲其妨後奠之辭也將舉于右謂若後文一人舉解為旅酬始二人舉解為無算爵始皆奠于右是將舉者于右以右舉之便也少儀客爵居左其飲居右爵居左猶言凡奠者于左也主人酬賓之辭以優賓耳賓不舉奠于薦東是居左也。疏曰其飲居右猶言將舉于右也若後文一人舉解于賓賓奠解于薦西至旅酬賓舉薦西之辭以酬主人是也

右主人酬賓

主人揖降賓降立于階西當序東面

賓降者主人將與介為禮賓謙不敢居堂上也

主人

以介揖讓升拜如賓禮

注總見下

主人坐取爵于東序端降洗介降主

人辭降介辭洗如賓禮

注總見下

升不拜洗介西階上立

注曰不拜洗介禮殺也立

不言疑省文也疏曰按上主人迎賓介即與眾賓從入又主人與賓三揖至于階介與眾賓亦隨至西階下東面則此文揖讓升拜如賓禮唯升堂相讓及拜至如賓而無庭中三揖之儀至洗不拜而禮彌殺矣鄉飲酒義云三讓以賓升拜至獻酬辭讓之節繁殺

介省矣。主人實爵介之席前西南面獻介。介西階上北面拜。主人

少退。疏曰西南面獻介者以介席東面故邪向之也。介進北面受爵復位。主人介右北面

拜送爵。介少退。注曰主人拜于介右降尊以就卑也。疏曰主人位

之尊就西階介之東北面拜也。後主人立于西階東薦脯醢。介升

席自北方設折俎。前設薦而實升設俎而主立。今主立而設薦賓

始獻介近西在介右。祭如賓禮。不啻肺。不啻酒。不告旨。皆殺也。自南

方降席北面坐卒爵。興坐奠爵。遂拜。執爵興。主人介右答拜。又降

也。

右主人獻介

介降洗。主人復昨階降辭如初。注曰如賓酢時也。疏曰如賓酢主

人之時介辭主人從已降主人辭

介為已洗也。愚按復昨階者，自介右復昨階而後降也。必復乃卒降者，主賓位也。辭主之降，辭賓之洗，而主對賓對亦在其中矣。卒

洗主人盥介揖讓升。注總見下授主人爵于兩楹之間，介西階上立。注

盥者，當為介酌也。就尊南授主爵，介不自酌者，下于賓也。酒者，賓主共之也。疏曰：此主人自飲而盥者，尊介也。鄉射注云：盥者，雖將酌自飲，尊大夫不敢襲，是也。揖讓升，亦謂一揖一讓也。知兩楹間

是尊南者，上云尊于房戶間，則當兩楹之北也。鄉飲酒義云：尊于房戶之間，賓主共之也。是也。云下賓者，以賓親酌以酢主人，此不

自酌也。愚按卒洗主人盥之前，該凡賓盥取爵之儀，介揖讓升之後，該凡拜洗答拜復盥降

主人實爵酢于西階上，介右坐奠爵，遂

拜執爵與介答拜。注介不酌酢而主自實酢爵不敢與主為禮也。主拜介答而拜受拜送之儀俱省矣。皆殺也。疏

曰：主既受爵，介不酌無事，故于西階上立也。主人坐祭遂飲卒爵，興坐奠爵，遂拜執爵

介答拜。注不言為設廟省矣主人坐奠爵于西楹南，介右再拜，崇酒介答拜。

注曰：奠爵西楹南，以當獻束賓也。疏曰：知此奠爵為衆賓者，按下文云：主人揖升坐，取爵于西楹下是也。

右介酢主人

主人復阼階揖降介降立于賓南

疏曰向主人與介行禮于西階上事訖故復阼階揖讓以降介

降立于賓南者以將獻衆賓故介無事就賓南也

主人西南面三拜衆賓衆賓皆答壹拜

注曰三拜一拜示偏而已不備禮也不升拜賤也疏曰主人在阼階下衆賓在賓介之南故西南向拜之三拜一拜御射少牢有司

徹皆有此文大夫尊故也若士禮則答再拜特性云主人三拜衆賓衆賓答再拜注云衆賓再拜者士賤旅之得備禮是也通解曰

按疏云衆賓各得主人一拜主人亦偏得一拜鄉射疏又云衆賓無問多少止爲三拜是示偏也則主人之拜衆賓不能一一拜之

但爲三拜以示偏而衆賓之長者三人各答一拜也然經及主人注疏但言衆賓皆一拜而無三人之文未詳其說鄉射放此

揖升坐取爵于西楹下降洗升實爵于西階上獻衆賓

疏曰云主人揖升者

從三人爲首一一揖之而升也云降洗升實爵則以下因此不復洗矣

衆賓之長升拜受者三人主

人拜送

長上聲注曰長言三人則衆賓多矣拜送于衆賓右疏曰西階上獻衆賓之下別云衆賓之長三人則衆賓兼言

堂下衆賓云拜受者三人則堂下衆賓不拜受矣云拜送于衆賓右者約上文介右而知也坐祭立飲不拜既

爵授主人爵降復位

坐祭以下謂三人也。注曰既猶卒也卒爵不拜立飲立授服者禮節也疏曰以賢者爲

賓其次爲介皆不問其長幼其三賓德劣于賓介則數年之長幼故衆賓之長三人坐祭得與賓介同但不拜既爵立飲立授則仍

異耳服故禮簡也

衆賓獻則不拜受爵坐祭立飲

注曰衆賓謂次三人以下也。注曰衆賓謂次三人以下也。注曰衆賓謂次三人以下也。

曰此堂下衆賓

每一人獻則薦諸其席

注曰此謂三人也疏曰此又簡于三人也。注曰此謂三人也疏曰此

辯有脯醢則衆賓辯有脯醢

辯同偏。注曰亦每獻薦于其位而此是三人也。

位在堂下立侍不合有席故不言席而云位在下也不言其數者鄉人有學識者皆來堂

下觀禮皆入飲酒之內是以鄉射旅酬堂上辯卒受者與以旅在下者明衆賓

在堂下也

本記衆賓之長一人辭洗如賓禮

一人辭洗謂三人之尊者餘二人雖爲之洗不敢辭也其

下不洗

樂正與立者皆薦以齒

與去聲下同。注曰以齒謂其飲之次也尊樂正故與賓黨同不

飲而言薦者薦以明飲既飲皆薦
于其位也樂正位西階東北面
主人之贊者西面北上不與

無算爵然後與贊佐也謂主人之屬助主人敬奠沃盥設薦俎

燕時也此時不及獻贊至燕時乃及之矣

右主人獻衆賓

按賓有獻有酢有酬介則有獻與酢而無酬衆賓又有獻無酢所謂差也

主人以爵降奠于饌揖讓升賓厭介升介厭衆賓升衆賓序升即

席飲衆賓畢主人奠爵即與賓介俱升者爲一人將舉解也。注

曰序次即就也疏曰衆賓序升謂三賓堂上有席者以年長爲

席末答拜

注曰一人主人之吏也發酒端曰舉疏曰此一人舉解

而起也席末謂席西南面非謂席上近坐祭遂飲卒解與坐奠解

西爲末以無席上拜法也凡賓拜皆然坐祭遂飲卒解與坐奠解

遂拜執解與賓答拜鄉射云舉解者坐祭此省文又拜

降洗升賓

觶立于西階上賓拜進坐奠觶于薦西賓辭坐受以興舉觶者西

階上拜送

鄉射云舉觶者進此省文。注曰舉觶不授下主人也言坐受者行事相接若親父然也疏曰上獻賓皆親授

今不親授是下主人也鄉射注云不授賤不敢也是也凡于人手

所授而已受之則名爲受不于人受之不得言受今取于地而言

受者以主人奠之賓取之事相接而無隔雖于地若手受之也

賓坐奠觶于其所舉觶者降注曰

薦右也疏曰待作樂後立司正賓乃取此觶以酬主人故奠于右

也記云將舉者奠于右是也按鄉射禮舉觶者降後有大夫來觀

禮此不言者觀禮之人或來或否故不言也愚按經非不言蓋于

篇末補言之文具在也然考諸公大夫來觀禮謂之遵其入本當

在此一人舉觶之時但錯簡于既徹俎之後耳惟此有諸公大夫

來爲遵之文以故此後徹俎爲燕或言遵或言諸公大夫其文並

根于此若此時初不言諸公大夫來爲遵而徹俎時忽言遵言諸

公大夫是亂也又徹俎時既言遵言諸公大夫而篇末復言若有

遵者是悖也則于理皆不可通矣况鄉射篇有遵

右一人舉觶

賓若有遵者諸公大夫則既一人舉觴乃入此章舊錯簡在賓來

遵者謂鄉之諸公大夫遵法來助主人樂賓因以為名也或來或

不來因時事耳今文遵為俱至此乃入者不干主人正禮也遵亦

謂之賓者同從外來也大國孤四命謂之公疏曰正禮謂賓主獻

酢是也一人舉觴為族酬之始于此乃入是作樂之前入也孤只

一人而言諸者燕禮注云容牧下三監也王制天子使其大夫監

于方伯之國國三人是殷法周公因而不改故云容也大國孤四

命周禮典命文謂之公者若天子有三公也愚按大國孤四

孤一人致仕者非必一人故言諸公也注說豈其然乎席于賓東

公三重大夫再重重平聲三重再重席數以尊卑為差也注

命不齒侯國爵為大夫則不齒矣疏曰賓在戶牖之間酒尊又在

戶東席此二者又在酒尊之東云席于賓東者但繼賓而言耳按

前注此篇無正齒位之禮此言齒者蓋士已上來觀禮乃正齒位

也三命不齒者周禮黨正職文注引之者見此篇之禮與天子鄉

飲酒三命不齒同也侯國爵為大夫則不齒者此篇及鄉射皆云

若有大夫而不辨命數故知大夫即不齒矣按黨正云一命齒于

鄉里再命齒于父族三命不齒所謂一命齒于鄉里者謂公侯伯

之士子男之大夫皆一命鄉里之人則與之齒而非其鄉里則不

與之齒也。子男之士不命，亦如之。所謂再命齒于父族者，謂子男之卿、公、侯、伯之大夫皆再命于父族之親，則與之齒而非父族，則不與之齒也。所謂三命不齒者，謂公、侯、伯之卿皆三命，雖父族，則為賓亦不與之齒也。凡不與齒者，則特席于尊東以全其尊也。公

如大夫入主人，賓介降，眾賓皆降，復初位。主人迎揖讓升。注曰：如讀

若今之若，迎謂迎于門內也。疏曰：以不言主人出，故知迎于門內也。通解曰：按注云如讀若今之若，但謂讀如字，似今人所用之若字耳。疏謂以大夫當公，則非當，故鄭讀如字。若今之若，謂大夫之于公更無異禮也。其說迂矣。愚按如之言，若猶及也，與也。通解是正。疏說之誤，又鄉射禮注云：迎不出門者，別于賓也。皆降復初位者，不敢居堂，侯大夫入也。鄉飲禮當亦如之。公升如賓

禮辭一席，使一人去之。大夫則如介禮。有諸公，則辭加席委于席

端。主人不徹，無諸公，則大夫辭加席。主人對不去加席。去上聲。如賓介禮。

通謂如其拜至獻酢之禮也。以鄉射禮大夫為尊者推之可見。注曰：辭一席，謙自同于大夫也。加席謂上席也。大夫席再重，疏曰：公如賓禮，故大夫亦如介禮也。禮主人迎賓賓厭介，此主迎公公亦厭大夫矣。大夫再重是其正。以公在故辭委加席于席端亦厭。

也愚按辭加席而主人不徹全其尊也然其委則聽之矣辭則聽之而不去是主人不徹大夫亦不委也蓋有諸公無諸公之權審矣然則上文使一人去之亦公自使人而非主人使之與公辭主人不徹公亦不自委而使人大夫則不使人而自委亦其權衡也

〔本記〕樂作大夫不入

注曰爲其後樂賢者則不入也疏曰大夫入當一人舉解之後未樂作之前以助生

人樂賢也若樂已作則後于樂賢者矣故不入也

若有諸公則大夫于主人之北西面

注曰西面者北上統于公也疏曰若無諸公則大夫南面西上統于賓也

右遵入

設席于堂廉東上

設席者樂工席也堂廉東謂西階東也以鄉射及燕禮大射考之可見。注曰爲工布席也側

邊曰廉按燕禮等皆席工于西階上少東樂正先升立于西階之西東此言樂正先升立于西階東明工席在階東也疏曰引燕禮者欲証此設席爲工又以此堂廉東上不言階東故取燕禮及工此下文以見樂正升立于西階東則知工席更在階東北面也

四人二瑟瑟先相者一人皆左何瑟後首擗越內弦右手相相去

上聲擗口孤反。注曰工四人謂大夫之制也。一人鼓瑟則餘二

人歌詩瑟先者序在前也。凡工擊矇也。相以扶工。每工相一人。衆

賓之少者爲之。鄉射禮曰弟子相工是也。天子相工則使視矇擗

持也。相瑟者爲之持瑟。其相歌者則徒相也。越瑟下孔也。以臂越

其聲音故各也。內弦側擗之也。疏曰此大夫禮。工四人若大射諸

侯禮則工六人。士當二人。天子當八人。爲差也。瑟工相二人則歌

工二人相亦二人可知。天子使眡矇爲工者。周禮眡矇矇職云凡樂

事相矇是也。注云無目眡謂之矇。有目眡而無見謂之矇。有目無

眡子謂之矇。擗者瑟底有孔。越以指深入謂之擗也。徒空也。無可

尙空以右手相也。云側擗者以左手于外側擗之。使弦向內也。餘

見鄉射及燕禮。樂正先升立于西階東。工入升自西階北面坐。相者東面

坐。遂授瑟乃降。注曰正長也。降者降。工歌鹿鳴四牡皇皇者華。三

詩皆小雅篇。鹿鳴君燕臣下及四方之賓。講道修政之樂歌也。此

宋其有旨酒以召嘉賓。嘉賓來示以善道而其德可則效也。四牡

君勞使臣之樂歌也。此宋其勤王事念父母忠孝悲懷之至足感

人也。皇皇者華君遣使臣之樂歌也。此宋其自以爲不及欲路謀

于賢知而以自尤明也。疏曰按周禮大司樂樂師皆天子之官此樂正蓋諸侯之官當天子之大司樂也。鄭射云樂正適西方命弟子遷樂贊工故知西方是近其事矣。凡歌詩之法皆歌其類此時貢賢能擬為卿大夫或與君燕飲陳戒以鹿鳴詩也或為君出聘訪客以皇皇者華詩也或使反為君慰念賢勞以四牡詩也故賓賢能而預歌此三篇使習之也通解曰按鹿鳴即今燕飲嘉賓以導主人之誠意而美其德也四牡言其辭親而從王事于此始也皇皇者華言將為君使而賦政于外也學記曰宵雅肄三官其始也正謂此也蓋此三詩先王所制以為燕飲之樂用之鄉人用之邦國各取其象而歌之耳。卒歌主人獻工

左瑟一人拜不興受爵主人阼階上拜送爵樂賓異因及于工不興受爵而已餘

文薦脯醢使人相祭工飲不拜既爵授主人爵注曰一人工之長也使人相養

相其祭薦祭酒也投者坐授之也疏曰工之長謂四人之內為首者也按鄉飲酒及燕禮同主懼心尚樂故備有升歌笙入間歌合樂之節而瑟工歌工與笙亦各遞得獻鄉射大射主于射畧于樂故鄉射無升歌笙間惟有台樂而工與笙並至終總獻之大射不間歌不合樂惟升歌三終主人獻工而眾工則不拜受爵祭飲其後下管笙亦不復得獻矣餘見燕禮

有脯醢不祭

注曰祭飲者獻酒重無不祭也疏曰衆工諸事皆不備尚祭飲則知獻酒無不祭矣旅酬以下則不祭酒

者下記云凡旅不洗不洗者不祭注云不甚潔敬禮殺也是也

大師則爲之洗賓介降主人辭降

工不辭洗

大音泰爲去聲。注曰大夫若君賜之樂謂之大師則爲之洗者賔之也賓介降從主人也工謂大師也大師

或瑟或歌其獻之也瑟則先歌則後疏曰天子諸侯有常官則有大師大夫無常官若君賜之樂并樂人與之則亦謂之大師愚按

主人爲大師降洗而賓介從降者大師替工不能從降而樂以樂賓故賓介爲之從降也工不辭洗亦替故也笙入堂下

磬南北面立樂南陔白華華黍

陔古才反。注曰笙吹笙者也以笙吹此詩以爲樂也南陔白華華

黍小雅篇名今亡其義未聞周興周公制禮作樂以爲樂歌以通情相風切也後世義微禮樂廢棄孔子自衛反魯然後樂正雅頌

各得其所謂當時尚在而複重雜亂者也惡能存其亡者乎且正考父校商之名頌十二篇于周大師歸以祀其先王至孔子二百

年間存五篇而已此其信也

主人獻之于西階上一人拜盡階不升堂受爵主

人拜送爵階前坐祭立飲不拜既爵升授主人爵

注曰一人笙之長也笙三人

一人凡四人鄉射禮亦云笙一人拜于下疏曰按鄉射記三笙一和而成聲注云三人吹笙一人吹和凡四人爾雅笙小者謂之和愚按獻工拜送在阼階上以工在西階故也此拜送笙在西階上以笙在西階下也舊疏誤

坐祭立飲辨有脯醢不祭注曰亦受爵于西階上乃間歌魚麗笙薦之皆于其位之磬南

由庚歌南有嘉魚笙崇丘歌南山有臺笙由儀間間側之間。注曰間代也謂一歌

則一吹也六者皆小雅篇魚麗言太平之世年豐物多也此采其物多酒旨以發賓也南有嘉魚言君子有酒樂與賢者共之也此采其以禮下賢與之燕樂也南山有臺言治世以賢者為本此采其為邦家基欲其身壽考而名德長也由庚崇丘由儀今亡其義未聞疏曰此堂上升歌堂下吹笙間代而作故謂之間也堂上歌魚麗終則堂下笙中吹由庚以續之以下皆然劉敞曰此三篇皆笙詩也小序云有其義而亡其辭亡謂本無也非亡逸之亡也鄉飲酒禮鼓瑟而歌鹿鳴四牡皇皇者華然後笙入堂下磬南北面立樂南咳白華華黍燕禮亦鼓瑟歌鹿鳴四牡皇皇者華然後笙入立于縣中奏南咳白華華黍南咳以下今無以考其名篇之義然曰笙曰樂曰奏而不言歌則有聲而無詞明矣下由庚崇丘由儀故此通解曰按小序于此六笙詩皆著其義蓋序者以意言之

今注云其義未聞則亦不敢信其說矣愚按小字良不可信但以言笙不言歌而謂本無其詩恐未決焉有謂九夏言奏不言歌為本無其詩者亦與劉說同然如金奏肆夏自有其詩未便以言奏為無其詩且如周禮騶虞裡首采蘋采芣之類亦皆言奏又如下管新宮象武之屬皆直言管不更言歌俱未可謂無其詩也竊謂瑟聲清越歌詩釐然聽聞故謂之歌若竹聲濫鍾聲謹則吹笙金奏而歌詩皆不可悉矣故但謂之笙謂之管謂之奏而不謂之歌也學者詳之乃合樂周南關雎葛覃卷

耳名南鵲巢采蘋

注曰合樂謂歌樂與眾聲俱作也周南名南十五國風之首二風王后國君夫人房

中之樂歌也關雎言后妃之德葛覃言后妃之職卷耳言后妃之志鵲巢言國君夫人之德采蘋言國君夫人不失職采蘋言卿大夫之妻能循其法也昔大王王季居岐以興王業及文王受命刑于寡妻至于兄弟以御于家邦始作邑于豐以故地為鄉士之采地周周公所食召召公所食于是文王德化被于南土其詩有仁賢之風者屬之召南有聖人之風者屬之周南夫婦之道生民之本王政之端此六篇者教之原也故國君燕其臣下及四方之賓用之合樂鄉樂者風也小雅為諸侯之樂大雅頌為天子之樂鄉飲酒禮升歌小雅禮盛者可以進取也燕禮合鄉樂禮輕者可以逮下也疏曰歌樂眾聲俱作者謂堂上有歌瑟堂下有笙磐合奏

此詩也燕禮記云有房中之樂注云弦歌周南召南之詩而不用
鐘磬之節謂之房中者后夫人之所講誦以事其君子是也亦有
用鐘鼓奏之者諸侯卿大夫燕饗用之故用鐘鼓也婦人用之乃
不用鐘鼓而謂之房中之樂也云國君燕其臣下賓客之合樂者
據燕禮而言也云鄉樂者燕禮記云遂合鄉樂者也云小雅則升
歌鹿鳴等是也云大雅頌文王及清廟等是也通解曰按二南之
分注疏皆未安唯程子曰以周公公主內治故以畿內之詩言文王
大似之化者屬之周南以召公掌諸侯故以畿外之詩言列國諸
侯大夫之室家被文王大似之化而成德者屬之召南此爲得之
謂之南者言其化自岐雍之間被于江漢之域自北而南也詩云
以雅以南工告于樂正曰正歌備樂正告于賓乃降注曰樂正降
即謂此也無事也降立西階東北面疏曰上堂時在西階之東北面故知降
堂下亦然在筮若之西亦得監堂下之樂也愚按鄉飲鄉射燕禮
俱有告曰正歌備之文此鄉飲篇正歌備無注疏鄉射篇則疏云
升歌鹿鳴乃諸侯之樂故以二南爲正歌也燕禮篇則注云歌笙
間台各三終爲一備也按此注疏初無定訓但臆度之耳竊謂正
歌對無算樂而言凡各禮所當歌者爲正歌惟無算樂則不以正
歌限之也經義
自明學者詳之

本記磬階間縮報北而鼓之

注曰縮縱也當以東西為縱鼓猶

諸侯一堵磬一堵謂之肆半之者謂諸侯之卿大夫士半天子之卿大夫士也諸侯之卿大夫半天子卿大夫之判縣者分一肆于東西而縣鐘東縣磬也士半天子士之待縣者但縣磬而已今此下唯縣磬而無鐘蓋以賓為卿人之賢者降大夫從士禮以優之也若天子之卿大夫賓賢能雖從士禮亦鐘磬俱有矣通解曰按此所引春官注文則全為肆者天子之卿大夫判縣凡二肆鐘磬各二堵也士特縣但一肆鐘磬各一堵也半之者諸侯卿大夫半天子之卿大夫但判縣一肆西鐘東磬各一堵也士則半天子之士但縣磬一堵而已射則磬在東者據射而而言避射位故在東與此階間異也愚按縮訓縱似獻工與于文義未亮縮之言直猶當也謂磬在階間而當當也獻工與笙取爵于上篋既獻奠于下篋

注曰異器敬也獻大夫亦然上篋凡三爵疏曰注云上篋三爵

者獻賓獻介獻眾賓訖降奠于篋是一爵也獻工與笙既獻奠于下篋是二爵也又鄉射禮主人以爵降洗獻大夫此篇亦有

大夫是其笙則獻諸西階上。注曰：謂主人于西階上拜送爵于三爵也。坐于西階東也。懸按經已言主人獻笙于西階上。注曰：謂主人于西階上拜送爵于三爵也。上記又言之者，蓋承取爵奠爵笙同工禮而言。

右樂賓

主人降席自南方側降作相為司正。

相去聲。注曰：側降者賓介不從也。作使也。禮樂之正既

成將留賓為有懈情立司正以監之也。疏曰：側特也。賓介不從以將燕禮殺故也。作相以為司正者上云：「相迎于門外，今將燕使為司正。」照祭賓主也。主人與賓行獻酢之禮畢，是謂禮成升歌笙間台樂三終，是謂樂成。愚按：禮樂成而留賓為燕，情以通之也。解情生而作相為監，又禮以固之也。發乎情止乎禮，義此聖人之所以和而不流敬直而得其正也。

司正禮辭許諾。

主人拜司正答拜。

注曰：主人拜者拜其許也。

右立司正

主人升復席司正洗觶升自西階阼階上北面受命于主人主人

曰請安于賓司正告于賓賓禮辭許

注曰請安者為賓欲去留之也告賓于西階疏曰鄉射云

司正升自西階由楹內適阼階上此不言由楹內者省文也

司正告于主人主人阼階上再拜

賓西階上答拜司正立于楹間以相拜皆揖復席

注曰再拜拜賓許也相謂贊賓

主相拜之詞也司正既以賓許告主人遂立楹間贊相拜答而賓主既拜皆揖就席也疏曰凡相拜者當在賓主拜前今在賓拜下者以經司正告于主人即云主人拜賓賓答拜故退在下也鄉射云司正告于主人遂立楹間以相拜主人阼階上再拜賓西階上答再拜則相拜在前也司正實解降自西階階間北面坐奠觶退其少立

共其少立已帥而正執敢不正也燕禮云降自西階南面坐取觶又云右還北面少立坐取觶疏曰階間謂兩階之間東西相等也云南北當中庭者鄉射云司正中庭北面是也云已帥而正執敢不正者自正慎其位令賓主亦皆正慎其位也燕禮司正右還北向者取不肯其君也此亦當右還北面取不肯大夫也餘見燕禮坐取觶不祭遂飲卒觶興坐奠觶遂拜

鄉射坐取之上有執觶興進字此省文也

洗北面坐奠觶于其所退立于觶南

注曰洗解奠之示潔也其南以察衆也疏曰卿射

大射皆直云執觶洗南面反奠于其所不云盥洗此或有盥字者誤今正之餘義見卿射

本記司正既舉觶而薦諸其位

注曰司正乃主人之屬主人無獻因其舉觶而薦之也疏曰記

云主人之贊者西面北上不與無算爵然後與是無獻也

右司正舉觶

賓北面坐取俎西之觶昨階上北面酬主人主人降席立于賓東

賓坐奠觶遂拜執觶興主人答拜

注曰此始起旅酬也凡旅酬少長以齒終于沃盥者皆弟長而

無遺矣疏曰云取俎西之觶者謂前一人舉觶奠于薦右今爲旅酬而舉此觶也前主人酬賓奠于薦東者不舉故言俎西以別之耳云主人降席不云自南方北方者下記云主人介比升席自北方降席自南方指此文也記云主人之贊者西面北上不與無算爵然後與則正獻不與旅酬亦不與矣此云旅酬終于沃洗者猶飲酒義之文注引以解酬之大節連無算爵而言其實此節未及

沃洗也

不祭立飲不拜卒解不洗賓解東南面授主人主人作階上

拜賓少退主人受觴賓拜送于主人之西賓揖復席

注曰賓立飲卒解因更酌

以向主人授之也旅酬同階者禮殺也疏曰正酬時不同階今同階故云殺也

主人西階上酬介介降席

自南方立于主人之西如賓酬主人之禮主人揖復席

注曰酬介亦酌賓解

西南面授介也自此以下旅酬酌者亦如之疏曰云西南面授介者按賓酬主人于作階上東南面則主人酬介于西階上西南面也旅酬酌者亦如之者謂亦如主人酬介酌司正升相旅曰某子

賓解西南面授之也以旅酬皆西階上故也

相去聲。注曰旅序也于是介酬衆賓衆賓又

受酬受酬者降席司正退立于序端東面以次相酬也某者衆賓之姓同姓則以伯仲別之也升相在西階西北面今退序端東面者退以避受酬者又便其贊上贊下也疏曰上文作相爲司正爲有解情立司正以監之今賓主及介旅酬不監至衆賓乃監者以主人與賓介習禮已久又各一位不嫌失禮至衆賓或不習禮又同在一位恐其失禮故須監之也司正初升相在西階西北面今受酬訖退立于西序端東面者一則下文

眾受酬者受自左即是司正立處故須避之二則東面時贊上贊下為便也初升相在西階西北面雖無正文以眾賓之席在賓西南面介酬在西階上則司正升相旅當受酬者自介右眾受酬者在西階西北面命賓也餘義見鄉射

受自左拜興飲皆如賓酬主人之禮注曰由介東者尊介使不失故位也後將受酬者皆由西

變于介也言皆如賓酬主人者嫌賓以下異也疏曰北面以東為右故自介右云由介東也凡授受之法授由其右受由其左即下文受自左是也此受介酬者應自介左而自介右者介位在西故云尊介使不失故位也若眾受酬者則一依授受之常法皆受自

左而變于介矣謂眾賓之內為首者一人自介右辨卒受者以解受之自第二以下并堂下眾賓皆自左受之也

降坐奠于篚注曰辯謂辨眾賓之在下者也鄉射禮云辯遂酬在下者皆升受酬于西階上是也疏曰引鄉射者經直

言辯文不具故引以証也餘義見鄉射

本記凡旅不洗不洗者不祭注曰不洗敬禮殺也不祭不甚潔也疏曰按一人二人舉觶皆為旅

始不可不自潔故洗自此既旅士不入注曰不入者為其後正禮也既旅則將燕矣疏

以後旅酬眾矣皆不洗也

曰旅謂旅酬也。所酬獻皆拜受，猶為正禮。既旅之後，行燕飲無算爵之法，非正禮矣。故云士不入於正禮也。

右旅酬

司正降復位，使二人舉觶于賓介，洗升實觶于西階上，皆坐奠觶。

遂拜執觶與賓介席末答拜。

注曰：復位者，相放畢，堂上無事，復西階解南之位也。二人亦主人之吏若

有大夫，則舉觶于賓與大夫也。洗者，燕禮勝爵者立于洗南，西面北。上序進盥洗是也。疏曰：知主人之吏者，以其主人使之也。賓介席末答拜者，賓于席西南，介于席南東，同答拜也。云若有大夫，則舉觶于賓與大夫者，以大夫尊于介故也。餘見一人舉觶，皆

坐祭，遂飲卒觶，興坐奠觶，遂拜執觶與賓介席末答拜。

見一人舉觶，皆

降洗，升實觶，皆立于西階上，賓介皆拜。

注曰：亦于席末拜也。皆進薦西奠之

賓辭坐取觶以興，介則薦南奠之，介坐受以興，退皆拜送。

注曰：賓言取介

言受尊卑異文也。疏曰：皆進者，一人之賓所奠于薦西，一人之介所奠于薦東也。家語定公假馬于季氏，孔子曰：君子臣有取無歸。

故賓尊言取介昇
言受也餘見鄉射
降賓介奠于其所

右二人舉觶

司正升自西階受命于主人主人曰請坐于賓注曰至此盛禮俱成酒清有乾賓主

百拜強有力者猶健矣張而不弛非文武之道請坐者將以賓燕也疏曰按鄉射司正升自西階阼階上受命于主人適西階上北

面請坐于賓則此亦使司正傳語于賓文不具也燕禮司正初奠

俎于中庭即請徹俎而坐此司正監旅斂二人既舉觶將行無算

爵而始請坐者燕禮正司正之前二人致爵三舉旅得爵多矣故

司正奠觶時即坐此由來未行旅酬故二人既舉觶徹俎以後乃

坐也賓辭以俎主人請徹俎賓許司正降階前命弟子俟徹俎注曰

賓者之貴辭之者不敢以殺禮當貴也請坐而賓辭請徹而賓許皆司正傳告之也階前西階前也弟子謂賓之少者主人之吏政也而命弟子俟徹俎者徹俎賓之義也疏曰骨為貴而肉為賤自族以前立行禮為盛而此後坐為殺故云辭之者不敢以殺禮當貴也賓敬主人而使弟子徹俎故云賓之義也知弟子是賓黨者以賓黨弟子在西階東面司正降自西階階前命之也恩按以降自

西階決其爲賓黨弟子恐未然按司正凡升降皆西階一以輔賓
一以監衆注于退立于西階之解南也固言其將以察衆矣安得
以西階二字噫揣之耶味下文弟子當是主黨爲合蓋徹俎是賓
一人所命故賓首徹俎凡主人介大夫皆輔之而受俎非司正一
人所辦故司正首受俎凡主黨弟子輔之于是主人之司正若弟
子受于內而賓介若大夫之從者受于外也本記賓介大夫之俎
皆出授從者而主俎則弟子以東明司正與弟子皆
注黨而從者則賓大夫之從者可見也餘見鄉飲義司正升立于
席端賓降席北面主人降席阼階上北面介降席西階上北面還

者降席席東南面

注曰升立待事也皆立相須徹俎也疏曰司正已命卽升立弟子尚未徹故云待事也皆立者

將取俎以授人也

遵不北面而席東南面者以其尊故也云皆立爲相須者須待受俎之人至徹而授之也

賓取俎還

授司正司正以降賓從之主人取俎還授弟子弟子以降自西階

主人降自阼階介取俎還授弟子弟子以降介從之若有諸公大

夫則使人受俎如賓禮

注曰言還授者凡取俎皆鄉其席也既授弟子皆降復初入之位不言者省文也

曰俎在席前鄉席取俎故經皆言遺授也下云揖讓如初升故知此時亦復初入時東階西階之位乃更相揖讓而升也愚按諸公使人受俎蓋亦諸公大夫取以授弟子而弟子受之因以授其從者耳以鄉射禮考之可見衆賓皆降無俎故不言取俎而以皆降約之也

本記徹俎賓介尊者之俎受者以降遂出授從者從主聲。注曰授送之也

疏曰以上文不言出授故記之主人之俎以東注曰以東藏于東方也疏曰言出授故記之

右徹俎

說屨揖讓如初升古說脫同。注曰說屨者爲安燕常坐也必說屨于下者屨賤不居堂也說屨主人先左賓先右疏曰云如初升者如賓主初入揖讓而升堂也凡堂上立行禮不說屨坐則說屨屨空不宜陳于側故降說屨然後升坐按曲禮云上于東階則先右足上于西階則先左足注云近于相鄉敬也王藻著屨之法坐左納右坐右納左今說之亦主人先坐左賓先坐右取近于相鄉爲敬也餘見鄉射坐乃羞注曰羞進也所進者謂餼醢醢也鄉設骨體以授我今進醢醢以盡受敬愛所

以厚賢也疏曰知所進為狗哉醢者按記云其牲狗也禮記云薦羞不論牲則羞可知但醢是噉作諸經不見以狗作醢則豕狗醢則當兼有餘牲也骨體貴人不食故云無算餘無算樂數也致敬戴醢賤人所食故云盡愛餘見郊射主燕飲許行無數醉而止樂或間或合亦無數盡歡而止也

右燕

賓出奏咳

注曰咳謂咳夏之詩九夏之一也咳之言戒也終日燕飲以咳為節戒無失禮也周禮鐘師以鐘鼓奏九夏王

侯奏備鐘鼓大夫士鼓而已蓋建于阼階之西南鼓也鄉射禮曰賓與樂正命奏咳賓降及階咳作賓出衆賓皆出矣疏曰鐘師云凡樂事以鐘鼓奏九夏王夏肆夏昭夏納夏章夏齊夏族夏械夏鬴夏杜子春云王出入奏王夏尸出入奏肆夏牲出入奏昭夏四方賓來奏納夏臣有功奏章夏夫人祭奏齊夏族人侍奏族夏客醉而出奏咳夏公出入奏鬴夏九夏以鐘鼓者庭中擊鐘鼓而奏之也鐘師天子禮大射諸侯禮具有鐘鼓鄉射云不鼓不釋明無鐘可知天子九夏俱作諸侯則不用王夏得奏其肆夏以下耳大夫以下據此文用咳夏其餘無文大射禮建鼓在阼階西南鼓而此無正文故云蓋也主人送于門外再拜

注曰拜者門東西面拜也賓介不答拜禮有終也疏曰主人迎賓之時門東西面拜今送賓還依此位也于迎時賓介答拜今送賓若賓介答拜是行禮無終畢矣故不答也不言來賓者迎送俱不拜故不言也

本記樂正命奏陔賓出至于階陔作

疏曰賓降自西階恐賓醉失禮故至階奏之

右賓出

明日賓服鄉服以拜賜

鄉注讀去聲今考當如字古文鄉上無服字從今文。注曰拜賜謝之也鄉服即昨

與鄉大夫飲之朝服不言朝服者未服以朝也疏曰注知鄉服是朝服者記云朝服而謀賓介是也此賓言鄉服其鄉射賓則直言朝服者按鄉射以公士為賓在朝著朝服是其常也此賓是鄉人子弟未仕者故雖著朝服以鄉服言之也愚按經文全篇初不見賓服但此有賓服鄉服之交據注疏賓于賓禮之後服昨與鄉大夫飲之朝服以拜鄉大夫之賜則鄉字當讀去聲猶鄉也問知之鄉細玩不然按記首云鄉朝服而謀賓介鄉謂鄉大夫則鄉服固謂鄉大夫所服之朝服也惟賓主同服故上云賓服鄉服以拜賜而下亦云主人如賓服以拜辱如此看則上下互文相足而鄉字當讀如字矣所以賓主猶朝服者此本非鄉大夫之私禮昨既以

攝盛之禮行之而禮畢又將上賢能之書于主人如賓服以拜辱
朝矣訓卿服為朝服同而音讀不同故正之
注曰拜辱者拜賓復自屈辱也鄉射禮曰賓朝服以拜賜于門外
主人不見如賓服遂從之拜辱于門外乃退疏曰此文不具故引
鄉射為証明彼此賓主皆不相見送門外拜謝而已

右拜禮

主人釋服乃息司正無介

注曰釋朝服更服玄端也息勞也勞昨

長也無介勞禮畧也疏曰行禮相尊敬故

不殺薦脯醢羞唯所有

朝服此乃燕私輕故玄端也餘見鄉射
注曰不殺者市買若因所有可也不殺則無俎矣薦脯醢明同也
羞唯所有在有何物也疏曰俎以盛骨體不殺故云無俎也薦與

正行飲酒同羞

則雜物皆是徵唯所欲以告于先生君子可也賓介不與與去

注曰徵猶召也告請也先生不以筋力為禮于是可以來矣君子
國中有盛德者可者召不召唯所欲也不與者禮賁則褻也疏曰
正行禮不得及親友禮食之餘可召知也先生謂老人教學者君
子則曲禮博聞強識教善行而不殆者也云可者節主徵唯所欲

上下相足賓介已正行禮鄉樂唯欲注曰謂周南召南之中雅所
欲作不從次也疏曰小雅為
諸侯之樂今燕不歌
鹿鳴等是避國君也

右息司正

記鄉飲酒義篇中次序從通孔子曰吾觀於鄉而知王道之易

易也易去聲。鄉謂鄉飲酒也教化之本尊賢尚齒而已故王道易成也主人親速賓及介而衆

賓自從之至于門外主人拜賓及介而衆賓自入貴賤之義別

矣速謂即案名之也三揖至于階三讓以賓升拜至獻酬辭讓之節繁

及介省矣至於衆賓升受坐祭立飲不酢而降隆殺之義辨矣

殺音晒。繁猶盛也小減曰省尊者禮隆卑者禮殺也呂大臨
曰禮主乎別節文雖繁而不可亂也因親疏長幼貴賤之差等
以為屈伸隆殺之節文尊無二上非獨為君臣言之也國所尊
者君家所尊者父群居五人長者必異席皆有尊也故飲酒之

禮賓介與衆賓送迎之節有等所以別貴賤也賓介與衆賓工
與賓與介又異于一等之中寔有省焉凡所以辨隆殺也

入升歌三終主人獻之笙入三終主人獻之間歌三終合樂三

終工告樂備遂出一人揚觶乃立司正焉知其能和樂而不流

也和樂之樂音洽。工謂樂正也樂正既告備遂出言自此不
也復升也流猶失禮也立司正以正禮則禮不失也通解曰合

樂三終孔疏謂堂上下歌瑟及笙並作若工歌闕則笙吹鵲
巢合之工歌葛覃則笙吹采蘋合之工歌卷耳則笙吹采蘋合

之也今按孔疏非是賈疏謂堂上歌瑟堂下笙壺合奏此六詩是也賓酬主人主人酬介介酬衆

賓少長以齒終于沃洗者焉知其能弟長而無遺矣少去聲弟

猶忘也。疏曰齒猶次也至於執掌盥洗之人皆預極言之耳
弟少也言少與長皆被恩澤無遺棄也通解曰按弟即弟也敬

順之意也言使少者皆承降說屬升坐修爵無數飲酒之節朝
順以事長而無所遺棄也

不廢朝莫不廢夕賓出主人拜送節文終遂焉知其能安燕而

不亂也

說脫同莫暮同。注曰不廢者既朝乃飲先夕則罷不廢其視朝臨政也終遂猶克備也疏曰修爵無數謂無

算爵也熊氏云修謂行也終謂竟也遂謂中也

貴賤明隆殺辨和樂而不流弟長而無

遺安燕而不亂此五行者足以正身安國矣彼國安而天下安

故曰吾觀于鄉而知王道之易易也

行去聲。呂大臨曰禮之所尊尊其義也其文則擯

相習之其義則君子知之修其文達其義然後可以化民成俗貴賤明隆殺辨和樂而不流弟長而無遺安燕而不亂此五者皆見於鄉飲酒之禮行乎一鄉達乎一國所謂正身安國也舉斯術也達之於天下則天下舉安矣故由一鄉而知王道可行于天下者此禮是也鄉飲酒之義主人拜迎賓于庠門之外入三揖而后

至階三讓而后升所以致尊讓也盥洗揚觶所以致絜也拜至

拜洗拜受拜送拜既所以致敬也尊讓絜敬也者君子之所以

相接也

絜潔同。注曰庠鄉學也州黨曰序揚舉也疏曰此謂鄉大夫故迎賓于庠門外若州長黨正則于序門外也

州長職云春秋射于州序黨正職云屬民飲酒于序有室謂之序無室謂之序鄉學為序州黨為序愚按學記黨有序與術有序連文術遂二字通呂大臨云黨序對黨序而言黨是鄉之屬即指鄉序也是也君子尊讓則不爭

敬則不慢不慢不爭則達於闕辯矣不闕辯則無暴亂之禍矣

斯君子之所以免于人禍也故聖人制之以道鄉人士君子

故聖

人以下十二字為句舊予以道句絕者誤道導同蓋制此禮以化導鄉人士君子也。呂大臨曰君子之相接尊讓絮敬如此其至雖有爭慢之心無從生矣尊讓絮敬之禮行則尊讓絮敬之俗成天下之人皆將達於闕辯而免于人禍矣則先王制禮非苟為繁文飾貌之末節也尊于房戶之間賓主共之也尊有玄酒貴其質

也羞出自東房主人共之也洗當東榮主人之所以自潔而以

事實也

上共如字下共供同

賓主象天地也介俛象陰陽也三賓象三光

也讓之三也象月之三日而成魄也四面之坐象四時也

俱連同右

文皆作遵。通解曰此以下至曰德包及後章立賓以下至篇終皆牽合傳會迂滯之說不足深究而其曰月三日而成魄尤爲紕陋說天地嚴凝之氣始于西南而盛于西北此天地之尊

見篇末

嚴氣也此天地之義氣也天地溫厚之氣始于東北而盛于東南此天地之盛德氣也此天地之仁氣也主人者尊賓故坐賓于西北而坐介于西南以輔賓賓者接人以義者也故坐于西北主人者接人以仁以德厚者也故坐于東南而坐僎於東北以輔主人也

盛于之盛猶成也。注曰以僎輔主人以其仕在官有德行也

仁義接賓主有事

俎豆有數曰聖聖立而將之以敬曰禮禮以體長幼曰德德也

者得於身也故曰古之學術道者將以得身也是故聖人務焉

術猶藝也呂大臨曰誠者天之道誠之者則人之道也誠者藝理之所出人心之所同然聖人先得之勤容周旋莫不中乎理

義制之爲禮以爲天下法則禮之節文雖見乎外而莫非德之所發故學者必以自得爲先也立賓象天尊之也立主象地所以養也介輔賓俱輔主人猶陰陽之輔天地也二賓爲衆賓之長其輔賓亦猶三光輔天也三光不可考先儒謂心星伐星北辰爲三大辰也象月之三日而成魄者月去晦三日明生于魄讓之三者象之也象四時者春夏秋冬位各有定賓主介俱四面之坐象之也東北至于東南生氣也生氣溫厚而主仁故自孟春至于孟夏生氣之所行萬物所以發生天之盛德氣也主坐于東南俱坐于東北仁之序也西南至于西北殺氣也殺氣殺氣而主義故自孟秋至于孟冬殺氣之所行萬物所以收斂天之尊嚴氣也賓坐于西北介坐于西南義之序也仁義接賓主有事俎豆有數天下之理義有焉義理無所不通聖之謂也聖以敬將禮之所由制也禮得于身之謂德得于身則與先得人心之所同然者亦不異矣故誠之以至于誠而聖人與天地合其德者祭薦祭酒敬禮也嘔肺嘗禮也啐酒成禮也于席末此之謂也

言是席之正非專爲飲食也爲行禮也此所以貴禮而賤財也卒觶致賓于西階上言是席之上非專爲飲食也此先禮而後

財之義也先禮而後財則民作敬讓而不爭矣

齊齊去聲啐音翠爲並去聲。

注曰非專爲飲食言主于相敬以禮也賓謂酒也酒爲薦實李
解乃致之也祭薦祭酒啐肺于席中唯啐酒于席末耳疏曰祭
薦爲敬禮者言主人獻爵薦脯醢卽席祭之以敬主人之禮也
嘗禮者言衆所陳之肺而齒啐之以嘗主人之禮也成禮者言
取所獻之酒而口啐之以成主人之禮也于席末謂席西頭也
若此席專爲飲食應啐酒于席中今乃席末啐酒明此席之設
本不爲飲食乃主人敬重于賓故設之耳祭薦祭酒啐肺以敬
主故在席中啐酒以入口故在席末于席上祭是貴禮于席末
啐是賤財致賓謂致盡其所實之酒也啐繞始入口猶在席末
卒解則盡爵故遠在西階上也呂大臨曰孔子曰吾食于少施
氏而飽少施氏食我以禮吾祭作而辭曰疏食不足祭也吾食
作而辭曰疏食也不敢以傷吾子然則君子之于飲食飽于敬
而不飽于味也飲酒之禮盡主人之敬以養賓盡賓之敬以答
主人主人禮賓不敢不答故賓祭薦祭酒以敬之賓敬主人在
禮而不在食故因啐肺以嘗之而啐酒以成之也啐酒于席之
末不于席之正主于行禮而不以飲食漬也是貴敬而賤食也
卒爵于西階之上不于席之上主于成禮而不以飲食終也是
先敬而後食也敬禮也食財也人之所以爭者無禮而志于財

也如知貴禮而賤財先禮而後財之義則敬讓行矣一鄉飲酒
飲食之間可以化民成俗則升降之文不爲末節也

之義立賓以象天立主以象地設介俎以象日月立三賓以象

三光古之制禮也經之以天地紀之以日月參之以三光政教

之本也

注曰日出于東俱所在也月生于西介所在也疏曰主敬賓故賓象天主養賓故主象地前云陰陽據其氣此

云日月言其體亨狗于東方祖陽氣之發于東方也洗之在阼其水在

洗東祖天地之左海也尊有玄酒教民不忘本也亨烹同。賓

必南鄉介必東鄉介賓主也主人必居東方東方者春春之爲

言蠶也產萬物者聖也南方者夏夏之爲言假也養之長之假

之仁也西方者秋秋之爲言愁也愁之以時察守義者也北方

者冬冬之爲言中也中者藏也是以天子之立也左聖鄉仁右

義皆藏也

鄉去聲。皆音佩。也。慈讀爲犖。敏也。察或爲殺。

月者三日則成魄三

月則成時是以禮有三讓建國必立三卿三賓者政教之本禮

之大參也

疏曰。魄謂明生傍有微光也。此謂月明盡之後而生魄。非必月三日也。前月大則二日生魄。前月小則三

日乃生魄。樂爲陽。禮爲陰。月是陰精。故禮之數取法于月也。通

解曰。按魄者。月之有體而無光處也。書凡言哉生明旁死魄皆

謂月二三日月初生時也。凡言既生魄卽謂月十六日月初始

時也。今此篇兩言月三日而成魄。則是漢儒專門陋學。未嘗讀

尙書者之言耳。疏知其謬而曲徇之。故其言魄謂明生旁有微

光也。則以魄作魂而爲朔後。又言月明盡而生魄。則以朔後爲

望後。又言月二日三日而生魄。則又仍以爲朔後矣。何相戾之

甚耶。此其大義本不足言。而疏亦常削去。今特著之以明述此

義者之謬。愚按章多曲說。朱子辯之嚴矣。至其間所發四面之

坐之義。凡二見。雖語皆傳會。而其前溫厚嚴凝之一條。猶爲近

理。若後聖仁義藏之一條。則彌黑暗而不可曉矣。斯尤爲曲學

之怪誕。而不恕者也。故通解于前一條。猶載呂氏之解。而後不

復論云。二祖

之訓亦近支